

Francis, Verity Kirk Dixon. / Venet — y 2

24-17-A-19



12

PERSPECTIVA COMMVNIS.

Ideo sic dicta, quod contineat elementa τῆς ὀπτικής, omnibus philosophiæ studiosis necessaria. In hac enim doctrina inchoatæ disputatiōes philosophorū, de natura, & projectione radiorum visus, luminum, colorum & formarum absoluntur. In quibus & de speculis tractatur.

B

A

Summa cura & diligentia emendata, & ab infinitis quibus scatebat mendis repurgata, necnon in quibus deficiebat demonstratiōibus restituta.

Per Georgium Hartmannum
Norimbergensem.



Norimbergæ apud Iohan. Petreium,
Anno M. D. XLII.



NOBILI ET GE

NEROSO DOMINO IO.

ANNI TSCHERTE, SERENISSIMAE RO.

Regis Architecto, Georgius Hartman, S. D.



Cum de dignitate & præstantia artium
& disciplinarum, rectissime ex earum
subiecto & methodo, indicium suma-
tur, ut Aristoteles admonet: ea doctri-
na, quæ optice seu perspectiua dicitur,
merito principem locū inter reliquas liberales discipli-
nas obtinebit. Hæc namq; per Physicas, & Mathema-
ticas demōstrationes, quibus nihil certius esse potest,
absolutissime perficit inchoatas Philosophorū dispu-
tationes, de natura & proprietate lucis & potētie uisus,
quæ re nihil admirabilius, nihilq; præstantius, in tota
hac uniuersitate & rerum natura existit. Quare autem
nostro aliàs florētissimo omniū liberaliū artū seculo,
hæc dulcissima de tantis rebus disciplina, usq; adeo in
tenebris delitescat, ut ne quidem in frequētis. scholis
audiatur, sæpe mirari soleo. Sed immaturā Clarissimi
Ioannis de Regiomōte mortē, ei obstare uideo, quo mi-
nus se è latebris hæctenus, prapere potuerit. Hic em̄ edi-
surus erat Ptolomæi *πρόλ. ὁ πρῶτος* libros, q, ut uir iste in ali-
is excelluit rebus omnibus, ita dubio, pcul sunt absolu-
a ij. tissimi.

tissimi. Et nescio quo fato in relictis Regiomontani monumentis nusquam appareant.

Totam hanc doctrinam Ptolemæus quinque libris complexus est. In primo libro prosecutus est, proprietates lucis & uisus: ostendit quomodo & in uirtutibus & in motibus cōueniant & discrepēt: assignauitque cuique suas species cum eorum differentiis & accidentibus.

In secundo docet, quæ sint res uisibiles, qualis cuiusque sit habitudo, qualiter unaquæque res uisibilis uideatur, & quot modis res uisibiles uere uisu apprehēdi possint.

Tertius liber, est de his quæ per reflexionem in speculis planis & conuexis uidentur.

Quartus est de his, quæ in speculis concavis, cōpositis, aut per duo, aut plura specula uidentur.


Quintus est de his, quæ uidentur per refractionem.

Argumētum tanti operis habemus, extat & apud nos eius fragmentum, quod tamen quia unicum habemus exemplum, non ausi fuimus, propter eius deprauationem, publicare.

Cum igitur hac in parte Reipub. literariæ, non sicut optamus subuenire possimus, duxi, Perspectiuam communē, quæ nobis pueris proponebatur, emendatā, & suo nitore restitutā publicandam. Eius autor esse perhibetur Ioannes Pisanus, olim Episcopus Cameracēsis. Apparet eum & uirū doctū & diligentem fuisse. Neque enim est cuiuslibet Isagogen alicuius artis conscribere, sed hominis periti & artificis, qui perfectissime eā, quā profitetur artem, calleat, item hominis acris iudicii, qui uideat

uideat quid sit in arte præcipuum, & quomodo studiosi ad altiora quasi manu ducendi sint. Hic igitur libellus et si innumeras utilitates habet, sicut vident qui in explicando Aristotele, & in Physicis uersantur, tamen uel methodi causa publicandus erat. Multi qui philosophiæ professores uideri uolunt, à Mathematicis tanquam ab artibus ad Philosophiā inutilibus suos dehortantur. Sed hoc faciunt, ut artes iudicio neglexisse uideantur, quas uel pueri non didicere, uel propter ingenij obtusitatem assidue qui non possunt. Sed Deo dante hoc libello, & alijs quos in manibus habemus, talium professorum auriculas studiosis ostendemus. Nec dubito quin generosa ingenia hic libellus excitaturus sit ad Mathemata amplectenda, cum harum artium immensas quasi utilitates cernent. Qui uero sequi malunt illorum, de quibus dixi, iudicium, per nos quoque licebit, ut cum Polyphemo nunquam luce fruantur. Hunc igitur librum doctissime Ioannes multis de causis tuo nomini inscribendum duxi. Primo ut in libello scholastico, qui ad quamplurimos uenturus est, nostram quam iam olim contraximus amicitiam testatam facerem. Deinde ut ipse, qui es harum artium peritissimus, nostri laboris, in hoc opere emensi, & omnium harum artium patrocinium susciperes, ac nos iuuare in inquirenda Ptolemæi & Alhacen perspectiua. Iudicavi etiam te meo exemplo excitandum, ut nobis tua communices, quæ ex hac arte, ad *πραξις* referre doces. Olim Parrhasius & Zeuxis pictores inter se ita certabant, ut res non pingi sed fieri uideretur. Hoc nostro seculo quidam Itali ingenij bo-

nitate assequuntur. Sed uulgius ita res suas pingit, ut
etiam sine diligenti intuitione picta appareant, interim
tamen uere perspectiuam ad usum conferre uolunt ui-
deri. Quem defectū tu nobis precor ut breui emendes,
Dabo & breui in lucem Opus nostrū de Vmbris, quem
Herculeum laborem, tua nixus autoritate, subiij. Quare
& tu hac in parte publicandis Striborij libris de Vmbris
Rempub. iuuabis. Bene uale. Norimbergæ IIII. kal.
Septembris, anno Domini M. D. XLII.



PERSPECTIVAE

COMMVNIS, LIBER I.

INTER Physicæ considerationis studia, Lux iucundius meditantes afficit: inter magnalia Mathematicorum demonstrationum certitudo præclarius inuestigantes extollit. Perspectiua igitur humanis traditionibus recte præfertur, in cuius area linea radiosa demonstrationum nexibus applicatur: in qua tam physices quam Mathematicum gloria & certitudo, utriusque floribus adornata, reperitur. Huius sententias & conclusiones omnibus ambagibus relictis, in compendium contraham, quibus tamen prout materia exigit, naturales & mathematicas demonstrationes adijciam, & partim effectus ex causis, partim uero ex causis effectus deducam, neque quæ ex his bona consequentia eliciuntur omittam. Et precor, ut Deus Opti. Maxi. lux omnium, & ipse in immensa luce inhabitans, meos conatus adiuuet, meque illustret & deducat ad proprietatem & naturam lucis, quam tractandam suscipio, inquirendam & patefaciendam. Diuidam autem hoc nostrum opusculum in tres libellos, Primus erit de luce & uisu. Secundus de radio reflexo. Tertius autem de radio refracto.

Propositio I.

Lucem operari aliquid in uisum contra se conuersum impressiue.

Hoc probatur per effectum. Quoniam uisus in uidendo lucem fortem, dolet & patitur, & lucis intensæ simulachra remanent post aspectum fortis luminis, nec non locum minoris luminis apparere facit obumbratum & tenebrosum, donec ab oculis maioris luminis uestigium euauerit.

b Propositio

PERSPECTIVAE COMMUNIS

Propositio II.

Colorem illuminatum impressiue operari in uisum,

Hoc similibus experimentis comprobatur. Oculus namq[ue] super colorem à forti luce fortiter illuminatum, fixa intuitione conuersus, si ad colorem debilius illuminatum se deflexerit, inueniet colorem primum apparenter secundo permisceri: desert em[en]t secum oculus, coloris fortius illuminati relicta quædam uestigia, ad colores minus illuminatos,

Propositio III.

Quemlibet punctum luminosi uel illuminati, totum obiectum sibi medium simul illustrare,

Hoc probatur per effectum, Quoniam quislibet punctus luminosi uel colorati uisibilis, est in qualibet parte medi[um] sibi obiecti. Sed luminosum uel colorat[um] non uidetur nisi imprimendo aliquid super uisum. Ergo imprimi[ur] in omnem partem medi[um].

Propositio IIII.

Totum luminosum uel illuminatum pyramidem sui luminis in quolibet puncto medi[um] terminare,

Hoc patet, quoniam si quislibet punctus luminosi illustrat quemlibet punctum medi[um]. Ergo totum illuminosum illuminat quemlibet punctum. Quod esse non posset, nisi luce pyramidaliter in quemlibet punctum cadente, per quam pyramidem uideri potest.

Propositio


LIBER I.

Propositio V.

Incidentias radiosas per angularia foramina transeuntes mediocris magnitudinis, in obiectis corporibus, à foraminibus remotis rotundari, semperq; fieri eò maiores, quo remotiores.

Hoc sequitur partim ex quarta præmissa: quoniã in quouis puncto medijs pyramidaliter terminati, non sistant ibi, sed inter secando se procedunt ultra. Quando igitur radij per foramen incidunt angulare, qui producti, in foramine uel iuxta, se inter secant, incipiunt dilatari, & si radij in foramine se interfecantes ad eam distantiam in rectum producerentur, qua ex alia parte Sol à foramine distat, patet quòd dilatarentur ad quantitatem Solis. Quoniã anguli ad uerticem per $\times v$. primi elementorũ sunt æquales, & latera ex utraq; parte pyramidis æqualia, necesse quoq; erit per quartam primi Elementorum Euclidis bases æquales esse. Causam autem rotunditatis incidentiæ, diuersi diuersimode conati sunt assignare. Quidam simpliciter hoc Solis attribuunt rotunditati, quod sicut radij à Sole procedunt, ita rotunditas à rotunditate, & huius rei coniecturam ex Solis Eclipsibus sumunt. Quando enim tempore Eclipsis Solis, in loco tenebroso per quodcuncq; foramen radij Solis excipiuntur, est uidere basim pyramidis illuminationis corniculatim ea ratione obumbrascere, qua Solem Luna tegit. Verum si hæc causa esset sufficiens, tam prope foramen, quàm à foramine longius, tales incidentiæ radiosæ ad rotunditatem tenderent, cuius contrarium contingit. Alij uero subtilius huius rei causam inquirentes, assumunt quidem ut causam Solis rotunditatem, sed remotam: radiorum autem intersectionem ut propinquam. Quod ut fiat illustrius, accipiatur foramen triangulare abc , & sit superficies triangula in corpore Solis def ; & de basis pyramidis
b ij midis

PERSPECTIVAE COMMUNIS



midis triangula per dictum forame
incidentis, ac latera ipsius lateribus
dicti foraminis applicentur, & in re
ctum ultra foramen ducti terminen
tur in puncto G. Deinde imagine
mur circulum in Sole, dictum tri
angulum non penitus circumscriben
tem, sed paulo minorem; & sit KLM,
suam circumferentiam angulis tri
anguli fere applicantem. Ab hoc
circulo procedunt pyramides rotun
dae, quarum nulla potest, propter fo
raminis angustiam, ad G punctum
procedere: pertinget tamen aliqua
ad punctum foraminis propinquo
rem, aut etiam in ipsa superficie fo
raminis contentum, veluti ad pun
ctum H. Quia angulus pyramidis
terminatae in puncto H, maior est an
gulo pyramidis terminatae in pun
cto G, per XXI. primi elementorum
Euclidis. Certum quoque est, quod ra
dij pyramidis brevioris in continuu
rectumque ducti, secabunt radios lon
gioris pyramidis: & qui radij ante
intersectionem continebantur & in
cludebantur, post intersectionem a
liis continent & circumcludunt.
Quum igitur brevior pyramis sit ro
tunda, sequitur ut dictam incidentiam
post intersectionem, rotundam fa
ciant, sicut patet in figura, quatenus
haec in plano declarari possunt. Facile namque intelligi potest,
quos

quomodo radij pyramidis rotundæ xhm , in h puncto concurrant, & se interfecantes extra triangularem pyramidem dilatent. Porro si accipiatur radij à Sole centraliter egredientes, (qui alijs sunt fortiores radiando) utpote qb & qc , ipsi cadent intra prædictam rotundam pyramidem, eamq; secabunt ut in punctis rs . Ergo saltem post illam intersectionem, erit pyramis rotunda. Sed certe hæc imaginatio etiam locum haberet, si Sol esset figura plane quadrata. In ipso enim esset aliquis triangulus, qui posset foramen triangulare directe respicere, & circulus triangulum directe circumscribens, à quo posset rotunda pyramis procedere, & ita rotunditas Solis nullâ esset causa huius rotunditatis ex radiorum incidentia causata. Quod autem & neq; dicta radiorum intersectio, tamen si aliquid ad rotunditatem conferat, sit eius totalis causa, inde patet, quod pyramis quæ post intersectionem sit, subito rotunditatē acquireret, scilicet in sectione illarum duarum pyramidum in no , uel rs , punctis. Quia quicquid esset ultra no , uel ad minus rs , esset rotundum complete, & quicquid citra triangulare, cuius tamen contrarium apparet; uidemus enim lumen ipsum paulatim rotunditatē acquirere. Item radij xv , & pz applicant se lateribus foraminis, & sequuntur figuram eius, & certum est, quod isti omnes alios includunt, qui rotunditatē possent radiositate recta generare, dictus itaq; modus radiositatis, non est perfecta causa rotunditatis. Caterum quoniam spherica figura est luci cognata, & omnibus mundi corporibus consona, ut puta absolutissima & naturæ maxime conseruatua, quæq; omnes partes suo intimo perfectissime coniungit, Ad hanc igitur lux naturaliter mouetur, & eam ad distantiam protelata, paulatim acquirit. Patet itaq; ex his duabus causis, lumen per foramina incidens paulatim rotundari, quod declarandum erat.

Propositio VI.

b ij

Omne

PERSPECTIVÆ COMMVNIS

Omne punctum luminosi hemisphæraliter super medium radiare.

Hoc probatur. Quoniam si punctus Lucis in diaphano ponatur, orbiculariter se diffundit. Cum autem situatur punctus in superficie corporis densi, iuxta se tantum præcluditur spacijs, quantum densitas corporis in quo situatur. Ergo restat sibi diffusio hemisphæralis. Et hoc intelligitur in planis & sphaericis superficiebus. Quoniam aliter in concavis est, ubi concavitas lumen libere ampliari prohibet.

Propositio VII.

Radios visibilium impermixte medium illustrare.

Lumina enim non cōfundi seu permisceri in medio, patet per umbras, quæ videntur secundum numerum luminarium. Multæ enim candelæ ad unū opacum tot faciunt umbras, quot sunt candelæ.

Propositio VIII.

Lucem fortem orientem super visum & medium quædam visibilium occultare.

Hoc cotidie experimur. Sole namq; oriente stellæ evanescunt nobis, neq; tota die conspiciuntur propter præsentiam vehementis lucis Solis, quæ totum visum occupat. Et minores motus ætæctus sunt imperceptibiles, quia maiores totum sensum in se cōvertunt. Quare etsi stellæ non minus luceant de die quàm de nocte, & eorum radij ad visum nostrum pertingant, eumq; movent: tamen hoc non percipitur, propter excessum impressionis fortioris luminis. Atq; huius rei, hanc esse causam, ex eo liquet, quod

9

LIBER I.

quod in meridie, ille qui est in profundo puteo, uidet stellas sibi perpendiculariter supra positas. Siquidem eorum radij plus in profundum descendunt, quam Solis radij, qui oblique ad puteum cadunt, propter quod & earum motus oculo perceptibilis est. Amplius tempore nocturno, sit propter eandem rationem, ut quæ sunt ultra magnum ignem, non possint certo conspici.

Propositio IX.

Lucem fortem super quædam uisibilem orientem, ipsa oculo abscondere, quæ oculo in loco lucis temperatæ existenti apparet.

Hoc patet. Quoniam luce forti oriente super corpus artificiale & subtiliter sculptum, ipsæ sculpturæ non uidentur, quia excelsus splendoris uisum occupat. Similiter multa sunt, quæ in tenebris posita uidentur lucentia, luci uero exposita disparent, uel ad minus non lucent; sicut apparet in squamis piscium, ligno ueteri, cute quorundam animalium, & igne medioctri.

Propositio X.

Lucem fortem multa uisibilia ostendere, quæ debilibus occultat.

Hoc passim ostenditur. Quia quæ in luce medioctri non apparent, ab intensiori & fortiori luce deteguntur. Hæc propositio, uidetur præcedentis contraria. Quomodo enim lux fortis uisibilia quædam ostendit, & eadem abscondit: Sed in præcedenti propositione intelligimus lucem fortem, quæ iustam proportionem excedit, & totam capacitatem sensus occupat.

Propositio

PERSPECTIVAE COMMVNIS

Propositio XI.

Lucem igneam in materia flammea radiantem, maiorem nocte quàm die, longe quàm prope apparere.

In die minor apparet claritas flammæ, quia maiori claritate circumfunditur. In nocte autem apparet maior, quia tenebris iuxta se positis, in toto suo ambitu, libere oculo præsentatur. Item prope minor apparet, quoniam flammæ à diffuso lumine discernitur. De longe autem maior apparet, uisus enim propter distantiam nequit flammam à diffuso lumine discernere. Quare indistinctum tanquàm magnum luminare oculo præsentatur.

Propositio XII.

Colores corporum diuersificari apud uisum pro diuersitate lucis super ipsos orientis.

Hoc expresse patet in quibusdam coloribus, qui in luce medioeri apparent turbidi: in forti, clari & scintillantes: imò omnino alterius dispositionis in luce Solis, quàm candelæ. Amplius hoc idem apparet in collo columbæ, quod cum sit unius coloris, uarijs tamen & diuersis aspectibus à luce illustratum, uarijs coloribus & specie differentibus oculo representatur. Cum enim color non cernatur, nisi à luce illustratus, omnem efficaciam mouendi uisum à luce habet. Ideoque quæ ratione magis uel minus à luce illustratur & mouetur, eadem quoque ratione uisum mouet. Colores autem debiliores sunt in fortioribus, sicut incompletum in completo. Et ideo secundum completionem lucis est gradus complementi coloris in mouendo. Quidam tamen existimant in collo columbæ esse diuersos secundum ueritatē colores, sicut in eo sunt ex diuersarum pennarum particulis, diuersæ radian-

LIBER I.

tes superficies. Et quemadmodum panni ex diuersis coloribus contexti, prout diuersimode lucem recipiunt, diuersos colores referunt, Ita quoque columbarum colla pro uaria mixtura colorum & lucis, diuersis subinde coloribus conspici.

Propositio XIII.

Comprehensio rei in se à uisu, sequitur proportionabiliter dispositionem lucis orientis supra rem uisam, ac medium, & uisum.

Hæc sequitur ex præmissis. Si enim in fortiori luce color fortius mouet, & in minori minus, tunc simpliciter ab ipsa luce uideatur esse mouendi efficacia. Idem intellige ex parte oculi in apprehendendo, & medijs in deferendo.

Propositio XIV.

Radius lucis primariæ, similiter & coloris in rectum semper porrigitur, nisi diuersitate medijs incuruetur, se nihilominus diffundendo.

Lux primaria dicitur, quæ radiose procedit à luminoso. Lux uero secundaria & accidentalis, quæ à latere est extra radiorum incidentiam, ac oblique & in omnem partem medijs se diffundit, color etiã radiose multiplicatur, sicut patet sensibiliter, quando Solis radius per uitream fenestram coloratam transit: tunc enim per lucis efficaciam color sensibiliter radiat super densum sibi obiectum. Sed quando luci uel coloris corpus densum obijciatur, ut speculum, ab eo reflectitur. Cum autem occurrit magis uel minus diaphono, recedit à rectitudine, & quasi frangitur uel reflectitur in obliquum.

c Pro-

PERSPECTIVAE COMMUNIS

Propositio XV.

Radius lucis uel coloris ad perpendicularem frangitur, occurſu medij denſioris, ſuper quod non eſt perpendicularis,

Quāvis hæc in tertio libello noſtræ perſpectivæ tractare cōſtituimus, tamen hoc loco ea prælibare neceſſarium duxi. Ratio autem generalis fractionis, eſt uariatio diaphanitatis. Maior enim diaphanitas minus reſiſtit luci. Quia uero radio factior eſt tranſitus per unum medium quàm per reliquum, neceſſarium eſt, quòd in ſecundo medio (ſcilicet magis diſtante à lumine) reperiatuſ gradus proportionalis primo in ſitu, (ſcilicet ſi millis reſiſtentia). Sed tranſitus perpendicularis ingrediens uel egrediens fortiffimus eſt: & radius non perpendicularis tanto debilior, quāto magis à perpendiculari remouetur, & eo fortior, quo propinquior. Quando igitur occurrit medium denſius &

magis reſiſtens, neceſſarius eſt radio fortior ſitus & directior, directiorq; propinquior. Vnde ut tranſitus per medium ſecundum proportionetur tranſitui per primum, radius ad eam perpendicularem lineam declinat, quæ erigitur in puncto caſus ſui ſuper medium ſecundum. Conſtat igitur quòd perpendicularis ſitus fortior ſit, non tamen per egreſſum à corpore lumineſo, imò per caſum perpendicularem ſuper medium. Nec intelligendum eſt, radium ad fortiorem ſitum declinare quaſi per electionem, imò tranſitus per medium primum, ad ſibi proportionalem in ſecundo, impellitur, ſicut patet in figura. Radius autem lumineſo ſuper quocunq; medium perpendiculariter cadens, omnino non refrangitur, quia ſua fortitudo nullius diaphanitatis




LIBER L.

nitatis obiectu hebetatur. Apertius enim mouet omnis radius recte quàm oblique cadens in obiectum. Verbi gratia, à corpore luminoso per aerem cadit perpendicularis A G, qui uero frangitur cadit oblique A C, & quasi procederet in B, si esset medium simile, frangitur aut uersus perpendicularem D C, & cadit in E.

Propositio XVI.

Radius lucis uel coloris à perpendiculari diuertitur, cum medium subtilius occurrit.

Hæc sequitur ex præmissa, quoniam enim medium secundū minus resistit, minor fortitudo congruit radijs in ipsum & densiori cadentibus, unde franguntur & perpendiculari. Verbi gratia, sit luminosum H, in aqua existēs, & quo cadit radius HK recte, & HE oblique. Dico quod H ē, nō directe procedit in Q, nec frangitur uersus perpendicularē ad P E, sed illa cadens in Q, sicut patet in figura. Et hæc est ratio, quare res in quibusdam medijs apparent maiores, & in quibusdam minores, ut infra patebit.




Propositio XVII.

In omni puncto medijs, quo est à luminoso remotior, eò in ipso excipitur radius multiplicior.

Hoc sic probatur. Quanto punctus plus distat à Sole, tanto descendit eius lumen à maiori circumferentia, seu portione Solis:& e conuerso, quo propinquior Soli tanto descendit à minori arcu lumen. Igitur in puncto remotiori est lumen multipli-
cius, sed ex distantia debilius, quod sic demonstratur. Accipiani-
tur

PERSPECTIVAE COMMVNIS

etur in corpore sphaerico luminoso, cuius centrum sit κ , duo puncta opposita $A B$. Et diffundatur lumen à puncto A , per hemisphaerium, ut patet per $V I$. huius, cuius hemisphaerij diameter sit linea $Q A D$. Certum est igitur, quod à puncto A , cadit lumen in D punctum, & in nullum corpori luminoso propinquorem, sicut ex $X I I I$. huius sequitur. Linea enim $C A D$ contingens est, & inter eam & sphaeram nulla cadit media, sicut patet per $X V I$. tertij Elementorum Euclidis.



Amplius si sumatur punctus supra A in corpore luminoso, utpote E , radians super spacium obiectum, & terminus radiationis sit linea contingens $F E G$. Certum est quod in linea $K G$, primus punctus ad quem peruenit lumen à puncto E , est G , & in nullum superiorem, sicut à puncto A , in punctum D , & in nullum corpori luminoso propinquorem. Cumq; ab omni puncto luminosi mittente radium suum in punctum propinquorem, incidat & radius in punctum remotiorem, & non econverso; cadet à toto arcu $E A B O$ lumen in Q punctum, sed in D non ueniet nisi ab arcu $A B$. Lux igitur in puncto G recepta, tanto multiplicior est, quanto à luminoso remotior.

Propositio $X V I I I$.

In puncto propinquiori fortior est lux unius corporis quam in remotiori.


Multiplicitas enim lucis uel luminis in puncto remotiori, est ex confluentia radiorum oblique cadentium, & per consequens debilius. Lux autem in puncto propinquiori fortitudinem habet ex maiori coniunctione cum suo fonte, qui minor est,

Propositio

LIBER I.
Propositio XIX.

Pyramides breuiores, quia breuiores, partim longioribus ab eadem basi procedentibus fortiores esse, partim debiliores,

Pyramides breuiores ab eadem basi procedentes, partim dicuntur esse fortiores longioribus, partim uero debiliores. Breuiores siquidem, quia breuiores obtusiores esse necesse est, sicut ex xxi . primi Elementorum Euclidis patet. Sed in obtusioribus radij ad conos se ad obtusiores angulum intersecant, & quanto angulus conalis est obtusior, tanto eius latera magis, lateribus pyramidis euerse mutuo appropinquant, Verbi gratia, sit pyramis obtusa ABC , & protrahatur AC in D , & BC in E . Cum igitur ACB angulus, æqualis sit angulo EOB , per xv . primi Elementorum Euclidis, quia ad verticem; necesse est tanto reliquos duos minores esse, quanto hi duo sunt maiores. Et quanto etiam sunt maiores, tanto radij collaterales, propinquiores sibi sunt, ut CD tanto propinquior est radio BC , & e conuerso, quanto angulus DCE maior est. Hæc autem est lucis proprietas, ut quanto propinquior est unus radius, luci alterius, tãto si fortior. Tam itaque propter hanc causam, quàm propter eam, quæ in propositione xviii . præmissa ostensa est, breuiores pyramides naturaliter fortiores sunt; Contra uero in pyramide longiori Lux ad conum est adunata magis quàm in breuiori, & hæc prerogatiua excedit breuiorẽ. Simpliciter tamen breuiores sunt fortiores, unde naturaliter montes sunt calidiores quàm ualles, quamuis per accidens in-frigidentur, quatenus scilicet mediæ regionis aeris appropinquant.



PERSPECTIVAE COMMUNIS

Propositio XX.

Cuiuslibet pyramidis radiosæ, omnes radios in indivisibili concurrere,



Si enim conus pyramidis est divisibilis, ponatur habere latitudinē, & dividatur linea latitudinis in tres partes, quarum prima sit A B, secunda B C, tertia C D. Radius igitur cuius terminus est A B, non concurrat cum radio cuius terminus est C D. Quod falsum est. Necesse est itaq; huiusmodi radiorum ultimum concursum, in puncto mathematico fieri.

Propositio XXI.

In luminoso concauo, lumen efficacius reperitur in centro.

Culus ratio est; quia ab omni puncto concaui perpendiculares radij, qui cæteris sunt fortiores, confluunt in centro. Et ideo uirtutes corporum cælestium in centro, & iuxta ipsum efficacius oriuntur. Hinc ibi conformior dicitur habitatio hominis, cuius complexio adpropinquat, ut possibile est, supremi corporis simplicitati.


Propositio XXII.

Omne luminosum sphaericum, illuminat sphaeram minorem, similiter & cylindrum minorem, plus quàm dimidium,

Si

LIBER I.

Si enim maior est diameter luminosi, quàm sit diameter opaci, tunc radij cadentes super extrema diametri opaci, non oriuntur à terminis diametri luminosi κ G. Hoc enim si fieret, æquidistantes essent lineæ cadentes à terminis diametrorum, tam corporis luminosi quàm opaci, & utrobique rectos angulos facerent cum diametro, & per consequens diametri corporum inæqualiū essent æquales: quod est impossibile. Oriuntur ergo ab aliquo arcu minori, quàm sit hemisphærium, ut exempli gratiā ab arcu λ B, cuius subtensa æqualis sit diametro opaci. Cum igitur à punctis omnibus inter G & λ , & inter κ & B , lumen diffundatur super opacum: si à puncto λ pervenit in c , necesse est ab omni puncto superiori, ad punctum quod sit ultra c pervenire, ut ex G cadit in punctum π . Similiter si ex B radius cadit in D , radij procedentes ex κ & B in puncta cadent, quæ sint ultra D , sicut ex κ radius in H incidit. Ideoque quanto opacum propinquius est luminoso, tanto lumen latius diffundetur. Quod etiam aliter demonstratur. Supra in quarta huius ostensum est, à superficie luminosi in omnem partem medij obiecti pyramides porrigi. Quando igitur opacum minus est luminoso, atque idcirco inter pyramides radiosæ conclusibile, necessario plus medietate illustrabitur. Si enim non, tunc pyramis latera sua extremis diametri opaci c D applicet. Quare per XVI I. tertij elementorum Euclidis, utrinque constituentur anguli recti, & trigonus D c Z plusquàm duos rectos continebit, quod est contra $XXIII$



PERSPECTIVAE COMMVNIS

primi Elementorum Euclidis, plus itaq; quàm medietas corporis opaci sphærici uel cilindroidis minoris, à corpore luminoso sphærico maiori illuminatur. Quamobrem Sol quoq; plus quàm medietatem Lunæ & terræ illuminat.

Propositio XXXIII.

Vmbrosi luminoso minoris, minorem esse umbram, sicut æqualis, æqualem; & maioris, maiorem esse.

Hæc patet ex præmissa. Quoniam si luminosum, maius est umbroso, tunc umbrosum illuminatur plus medietate sua, & umbra procedet à non illuminata parte, & minori igitur minor. Si luminosum æquale umbroso, æqualiter illuminabitur, ac umbra inter æquedistantes inuicem lineas continebitur, ideoq; umbra æqualis luminoso. Si deniq; luminosum minus fuerit q̃ corpus umbrosum, minor pars umbrosi illuminabitur, & à maiori parte umbra proijcietur, ideoq; maior quoq; se in infinitum dilatet. Hæc autem intelligenda sunt tam de umbris in planum proiectis, quàm etiam de umbrarum latitudine.

Propositio XXXIII.

Vmbrosum sphæricum, luminoso minus, umbram proijcere pyramidalem; æquale, columnarem; maius, curtam & euersam pyramidem infinitam.

Ratio huius propositionis sumitur ex præhabitis. Quoniam ex XXXI. patet, quod umbrosum minus luminoso, ut terra à Sole, plus medietate illuminatur. Radij igitur à luminoso cadentes in umbrosum, æquidistantes esse non possunt. Tangunt enim
circu

circulum in extremitatibus subtensa alicuius circumferentia se-
micirculi minoris, & non in extremitatibus diametri. Quapro-
pter anguli in contactu non erunt recti per XVIIII , tertij ele-
mentorum Euclidis. Cumq; radij a maiori magnitudine descen-
dant, necesse est illos angulos minores esse rectis, q̄s radij ex par-
te subtensa p̄dicta a luminoso remotiori cōstituūt. Per XI , igit $\text{IX} =$
 I A cōmunem sententiam ad illam partem ne cessario concurrent.
 Quod si æqualia sunt inuicē umbrosum & luminosum, radij ne-
cessario cadent in extremitates diametri umbrosi, ideoq; inui-
cē æquedistantes erunt, & nunquā concurrentes, etiāsi in
infinitum protrahantur, per definitionem linearum parallela-
rum. Si ergo maius fuerit umbrosum, necesse est umbram cum
prima istarum trium, esse contraria dispositionis. Quare eversa
erit pyramidis secundum longitudinem & latitudinem, quæ si-
gura a Græcis κακωθηναις appellatur. Id tamen dico, cum lumi-
nosum cum umbroso in eodem plano esse contingit.

Propositio XXV .

Umbram esse lumen diminutum.

Ex quarta huius patet, quod quamuis opacum impediāt lu-
cis directum & principale transitum, tamen non possit prohi-
bere quo minus lux secundaria circumquaq; se diffundat. Est
igitur umbra lux diminuta, scilicet ubi est priuatio lucis prima-
ria, & diminutio secundaria. In hoc autem ab umbra differunt
tenebræ, si tamen alicubi sunt, quod tenebræ sunt, ubi nihil est
de lumine. Nescio enim, an aliquod corpus mundanorum, tran-
situm lucis omnino priuatiue impedire possit, cū nullum corpus
penitus sit priuatum lucis natura, aut ad minus nullum corpus
circumfulgentiam lucis secundaria impedire possit.


Propositio XXVI .

d

Quanto

PERSPECTIVAE COMMUNIS

Quanto Sol est propinquior Lunę,
tanto eam magis illuminat intensius &
extensius,



Quòd intensius patet ex XVIII. huius.
Quòd etiã extensius, primo cõstat p. XXII.
huius. Solis enim sphaera longe maior est
sphaera Lunę. Deinde, quia Luna à pyrami-
dibus radijs à Sole proiectis includitur,
ideo quò Soli propinquior erit, eò à breviori
pyramide circumcinget. Quare & tanto ma-
ior pars eius à Sole illustrabitur. Imagine-
mur namq; aliquam longiorem radiosam py-
ramidem à Sole procedentẽ, uelut pyamidẽ
A B G, cuius latera tangant Lunam in pun-
ctis C E, qui sunt termini arcus C D E. Dico la-
tera pyramidis brevioris non posse tangere
extrema arcus C D E. Sic enim cum ab eadem
basi procedant, æquales esse oporteret.
Item dico non posse latera pyramidis bre-
uioris tangere extrema arcus minoris quàm
C D E, utpote arcum Z D I. Quoniam radios
per z i terminos productos impossibile est
concurrere, & pyamidem constituere. Si
namq; constituent breviorẽ, prius secabũt
latera pyramidis longioris: deinde concu-
rent in conum, quod est impossibile, cum u-
traq; ab iisdem terminis procedat. Est itaq;
manifestum, cum latera pyramidis brevio-
ris non possint attingere terminos circumfe-
rentiæ in Luna, quos attingunt latera pyra-
midis longioris, neq; terminos his circum-
feren-

LIBER I.

ferentijſ minores : neceſſario latera pyramidis breuioris attingere terminos circumferentiarum maiorum. Quare quo Sol eſt propinquior Lunæ, eo magis eam illuminat intenſive & extenſive. Quòd autem in coniunctione Luna nō uidetur, cū ſit Sol propinqua, ſit quòd ſuperior Lunæ pars, & Sol obuerſa illuminatur, & non niſi modica eius pars cernitur, donec à Sole elongetur.

Propoſitio XXVII.

Omne corpus uiſibile radios habere.

Radius enim niſi aliud eſt, niſi ſpecies rei uiſibilis in directū facta porrectione. Corpora tamen luminofa, dicuntur principiſ paliter radiare: quia radijs cætera corpora colorata illuſtrant, & Sol præcipue, cuius radij ſunt ſenſibiles.

Propoſitio XXVIII.

Viſionem fieri per lineas radios ſas recte ſuper oculum orientes.

Quòd patet, quoniam niſi ſpecies rei uiſibilis diſtincte oculum ſigillarent, oculus partes rei non apprehenderet diſtincte: nec poſſet eſſe diſtinctio partialium ſpecterum, partes rei re præſentantium, niſi per lineas rectas. Aliàs enim inuicem confunderentur, & oculo rem confuſe præſentarent. Amplius abſciſis lineis rectis, inter uiſibile & uiſum ceſſat, uiſio. Igitur oppoſitum, oppoſiti eſt cauſa.

Propoſitio XXIX.

Oculus quantitati capiendæ non congrueret, ſi rotundus non eſſet d ij Mul


PERSPECTIVAE COMMUNIS

probat
sphaerica
figure.

3. no.

Multis de causis necessarium fuit, organum uirtutis uisus sphaericum esse. Cum enim ad cita quæ obijciuntur, percipienda uisu, requiratur uelocitas motus & reuolutionis oculi, nulla alia figura quàm sphaerica magis idonea erat. Hæc etiam cum sit capacissima omnium Isoperimetrorum, id est, æqualem ambitum habentium, & perfectissima, tantum in ea, omnia corpora cuiusq; rationis, quæ ad uisionem requiruntur, commodissime & perfectissime coadunari & inuicem coaptari poterant.

Et si esset oculus alterius figuræ quàm sphaericæ, utpote planæ, nulla res maioris quantitatis quàm esset oculus uno aspectu uideretur, quod manifeste falsum est. Quoniam enim uisio distincta solum fit per lineas radiosæ recte, hoc est, perpendiculariter ad superficiem oculi peruenientes; si oculi superficies esset plana, clarum est, nullas perpendiculares super eum uenire, nisi à superficie æquali sibi. Ponatur per impossibile, quod plana superficies oculi sit AB , & res uisa sibi æquedistans CD , & ex AB punctis, ducantur lineæ perpendiculares in rem uisam, AC , BD .



Cū igitur ex hypothesi, siquidem nullum inde sequitur inconueniens, AB & CD assumantur parallelæ, & AC , BD ex constructione sint utriq; plano perpendiculares, ideoq; per VI . propositionem XI . elementorū Euclidis parallelæ; & quia anguli parallelogrami AD sunt æquales, per X . cōmunem animi conceptionem, quia recti, sequitur AB & CD latera esse æqualia, per $XXIII$. primī elementorum Euclidis, & ita res uisa, magnitudinem uisus non excederet, & si planum uel linea CD in directum continuūq; projiceretur, nihil de ea conspiceretur. Oculi igitur superficies non est plana, sed sphaerica, ad cuius centrum fiat concursus linearum radialium à longe maiori magnitudine, quàm sit oculus.

Propositio XXX .


Corpora

LIBER I.

Corpora diuersarum dispositionum, requiruntur
necessario ad oculum constituendum,

Cum tamen pars illa, in qua consistit & ulget potentia uisua, sit tenera, & quæ ex facili lædi possit, propter perspicuitatem & aqueam compositionem seu complexionem. Quæ, nisi talis esset, neque congrueret subtilitati spirituum à cerebro uenientium, ad impertiendum oculis uitam, neque in ea parte, nisi esset subtilissima & purissima, reddi & fulgere imagines seu species accipere posset. Quare ut hic humor in suo esse conseruaretur, & à lesione ac qualicunque corruptione defenderetur, opificis Dei prouidentia ita cautum est. Hic humor uocatur Crystallinus seu glacialis propter perspicuitatem, & quia aliquantulum spissus est. Iacet autem in medio oculi in modum sphaerulae albae compressæ tendentis ad lentilarem figuram, & quia humidus, à luce passibilis est, idque non solum ex perspicuitate, sed passibilitate sensus; & quia subtilis est, faciliter mouetur, & obiecta recipit: denique propter spissitudinem eius, quæ ab eo sentiuntur, retinet, ne cito euanescant. Porro hunc humorem, à parte posteriore, ceu gemmam annulus, alius humor continet. Hic ut Galenus testatur, Crystallinum fouet & nutrit, & quia est aliquanto subtilior, & uitro liquefacto similis, uitreus humor appellatur. Separantur autem ab inuicem hi duo humores tenui quadam tunica, ideoque aranea uocata, quæ & ambos circumdat, & tanquam in unam sphaeram colligit. Hanc sphaeram ambit alius humor, qui Albugineus dicitur, quem quidam uolunt esse excrementum Crystallini humoris, est ouorum albo similis, est fluidus & aliquanto tenuior. Huius officium est humectare Crystallinum, ne à siccitate telæ, eum circumdantis corrumpatur, irrigat totum oculum, defendit & protegit Crystallinum ab accidentibus extrinsecis. Albugineum humorem circumdat tunica quædam densa, uillosa, nec admodum diaphana, quia intra præfinitos terminatur.

PERSPECTIVAE COMMVNIS



nos retinetur, & in iusto
caloris temperamēto cō
seruatur. Hæc tunica dici
tur uuea, quia nigra est
ut uua, & obscurat iam
dictos humores; aliās em̃
species uisibiles in ijs non
retinerētur, sicut neq; in
speculo, plumbo non sub
ducto. Et ut species uisi
biles possent recipi, est p
forata circulari; forami
ne, cuius diameter est, qua
si æqualis lateri quadrati
inscriptibilis circulo ma
gno sphaeræ uueæ. At ne
ex hoc foramine Albugi
neus humor efflueret, su
perinducta est alia tuni
ca ad similitudinē cornu
firma, & ut sit speciebus
uisibilibus peruia est, pel
lucida, quare & cornea di
citur. Hæc tunica totum
oculum cōplectitur, sed
tantū supra foramen est
diaphana, aliās densior
& solidior. Tandem est
alia tunica, quæ consoli

dataua uel coniunctiua nuncupatur, hæc retinet totum oculum
in sua dispositione & coniungit oculum capiti, ac ambit oculū
usq; ad foramen, seu partem corneæ pellucidam, Atq; ex his ap
paret

paret oculum constare tribus humoribus, & quatuor tunicis. Alij uero qui hæc diligētius & ex professo tractant, inquirunt originem dictorum humorum & tunicarum, dicunt uueam oriri à pia matre, & corneam à dura matre. Item oculum constare ex tribus humoribus & septem tunicis, quod tamen ideo fit, quia ex dictis, tres tunicas discernunt locis. Prima est consolidatiua uel coniunctiua. Deinde Corneæ pars anterior dicitur cornea, posterior sclerotica. Uueæ pars anterior uocatur uuea, posterior secundina. Similiter Aranea ab anteriori parte suum nomen retinet, à posteriori Retina nuncupatur. Sed hæc relinquemus Physicis & Medicis excutienda, Quomodo tamen oculus super extremitatem nerui optici cōponatur, & oculorum tunicae à nerui tunicis oriantur, & humores à cerebro procedant, in appposito schemate oculi, aliquo modo est uidere. Nos hic solum inquirimus, quæ ad eccentricitatē & concentricitatem pertinent, siue ad fractionem radiorum uel directionem.



Propositio XXXI.

Aliqua corporum oculum constituentium, à sphaeræ necesse est deficere complemento.

Verbi gratia, consolidatiua, scilicet albugo uel pinguedo, quæ circumdat oculum, si totum oculum circumdaret, oculus nihil uideret, quia ipsa diaphanitate caret. Similiter uuea habet foramen in anteriore parte. Similiter & glacialis deficit à rotunditate, hoc est, complemento sphaeræ.

Propositio

PERSPECTIVÆ COMMVNIS

Propositio XXXII.

Oculorum dualitatē necesse est reduci ad unitatem.

Duo sunt oculi ex creatoris benignitate, ut si uni impedimentū uel uiciū accidat, alterius beneficio fruamur luce, sine qua uita à morte nihil distaret. Ab anteriori parte cerebri oriuntur duo nerui concaui, directe ad anteriorem partem faciei tendentes. Hi coniunguntur & fiunt unus neruus, ac in processu iterum in duos consimiles neruos opticos diuiduntur, ita ut commutato situ dexter fiat sinister, qui, ut rami, protenduntur ad duo foramina concaua sub fronte, quibus oculi continentur, & in ea immituntur per parua quædam foramina, ac deinde dilatantur, & supra ipsorum extremitatibus oculi constituuntur. Quare species uisibilia per utrumq; oculum recipiuntur. Quod si istæ species non unirentur, res una duæ apparerent, sicut etiam patet, si digito supposito uni oculorū, & à suo situ eleuetur, res una duæ uidentur, quia species per duos oculos receptæ in communi neruo non coniunguntur. Necesse igitur est in communi neruo species uniri. Quod est propositum.

Propositio XXXIII.

Sphærarum oculum constituentium, necesse est aliquas mutuo esse eccentricas.

Cum enim pyramidis radiosæ conus imaginabilis sit in centro oculi, si nulla esset diaphanitatis diuersitas, radij in centro illo concurrentes, & ulterius procedentes, in centro se secarent: & dextra apparerent sinistra, & econuerso. Sed ut res uisa secundum situm, figuram & ordinem suarum partium uideretur, naturæ industria effecit, ut humor Crystallinus idem centrum haberet

LIBER I.

beret, cum cornea & humore Albugineo; ne scilicet species uisibiles per ipsas transeuntes, antequam pertingant ad uim sensitivam, quæ in Glaciali uiget, frangantur. Deinde occurrente ultimo humore, posuit eum eccentricum, ut antequam radij ad centrum oculi pervenirent, quia subtilior est Crystallino, in eo disgregentur radij, & à perpendiculari frangantur: & exinde per viam spirituum, species usque ad locum interioris iudicii deferantur.

Propositio XXXIII.

Omniū tunicarū & humorū centra, una continet linea.

Quoniam aliter non posset lux omnes tunicas & humores regulariter intrare, nec aliquis radius non fractus permanere posset. Et per consequens certificatio non posset esse, per deporationem oculi super visibile ab extremo ad extremum.

Propositio XXXV.

Omnium radiorum super visum orientium, unum solummodo necesse est transire non fractum.

Cuius ratio est, quoniam super sphaeras eccentricas impossibile est, plures esse, quàm una linea, perpendiculares. Pyramis igitur radiosa, sub qua res videtur, tota in ingressu humoris ultra frangitur, ista linea radiosa excepta, quæ per omnia centra transit, & quæ axis pyramidis appellatur.

Propositio XXXVI.

Visum uigere in humore Crystallino uel glaciali.

c Hoc

PERSPECTIVAE COMMUNIS

Hoc docet experientia. Quoniam si aliqua tunica uel aliquis humor leditur, glaciali saluo & illeso, per medicinam curationem recipit, & uisus restituitur. Ipso uero glaciali corrupto, & uisus irrecuperabiliter corrumpitur.

Propositio XXXVII.

Visionem fieri per hoc, quod in Glaciali est ordinatio speciei, sicut rei exterius.

Quod hoc sit possibile, neque glacialis paruitas obstet, manifestum est, quoniam tot sunt partes minimae, quot sunt maximae quantitatis siue magnitudinis eiusdem speciei. Et species uisibiles sine materia recipiuntur; ergo quantumcunque sit uisibile quod uidetur, species eius distincte & ordinate, in glaciali humore recipiuntur: quod nisi fieret, oculus rem distincte non uideret. Si enim species duarum partium rei uisibilis, in eadem parte glacialis reciperentur, partes rei, propter confusionem formarum mouentium oculum in eadem parte, non cognoscerentur distincte.

Propositio XXXVIII.

Rei uisibilis comprehensio, fit per pyramidem radiosam. Certificatio uero comprehensionis, fit per axem eius super uisibile transportatum.

Pyramis enim radiosa, a uisibili oculo impressa, rem oculo repraesentat. Sed certificatio de uisibili, fit per rotationem oculi super rem, quae basis est pyramidis. Quamuis enim tota pyramis sit perpendicularis super centrum oculi, hoc est, glacialis, non tamen supra totum oculum, unde sola illa perpendicularis, quae
axis

LIBER I.

axis dicitur, quæq; non refrangitur, rem efficaciter repræsentat: & alij radij quanto sunt ei propinquiores, tanto sunt potentiores & fortiores in repræsentando. Ad hoc igitur oculus rotatur, ut res quæ sub pyramide repræsentatur, simul oculo per hæc perpendiculararem successiue orientem perspicacius discernatur.

De hac certitudine loquitur Euclides de visu, cum inquit, Nul- lum uisibile simul totum uideri, sed per immutationem pyrami- dis. Cum itaq; omnis res uisibilis sub pyramide uideatur, cuius conus sit in oculo, & basis in re uisa, patet omne quod uidetur sub angulo uideri.

Propositio XXXIX.

Non sub quocumq; angulo rem uideri.

Non est uisio sub angulo acutissimo, id est, angulo contin- gentiæ, quia iste angulus, ut Euclides in tertio elementorū pro- bat, est indiuisibilis. Angulus autem sub quo aliquid uidetur, est diuisibilis, & diuiditur per axem. Amplius determinata est an- guli magnitudo, sub quo uisio esse potest; quia diameter forami- nis uueæ, sicut docetur in Anathomia, est quasi latus quadrati, quod describitur intra sphaeram uueæ. Ergo si ab extremis hu- ius foraminis, ad centrum lineæ ducantur, constituent ad centrū uueæ angulum rectum. Hoc patet, quia in quadratis, lineæ dia- gonis secant se ad angulos rectos. Quare si in centro uueæ esset uisio, sub angulo recto præcise fieret uisio, assumpto scilicet qd' diameter foraminis sit præcise latus quadrati. Sed centrum ocu- li, id est, centrum glacialis, interius est quàm centrū uueæ. Quia uuea minor est quàm cornea, & secat corneam, siquidem foramē eius corneæ applicatur. Maximus igitur angulus sub quo est ui- sio radiosa, minor est recto, nisi foramen uueæ sit paulo maius quantitate prædicta. Verum hæc non sunt intelligenda de ui- sione, quæ sit per radios, extra pyramidem radiosam, sup oculū orientes, de quibus infra dicendum erit.

e ij

Propo

PERSPECTIVAE COMMVNIS

Propositio XL.

Visionē fieri sub curta pyramide & angulo inchoato.

Hæc ex prædictis patet. Quoniam omnes radij pyramidis uno excepto, uitreo humori occurrentes, franguntur, ut dictum est, à perpendiculari, nec ulterius in conum constringuntur. Quamuis igitur radij ad angulum inclinentur, nō tamen ad angulum concurrunt, nisi imaginarie tantum. Sed cum species visibilis peruenit ad uitreum humorem, procedit magis secundū legem spirituum, quā secundum legem diaphanitatis. Incuruatur enim secundum legem spirituum, usq; ad neruum. Proinde pyramis in oculo non absoluitur, & visio sub decurtata pyramide fit, ac angulo inchoato.

Propositio XLI.

Declinatio radiorum angularis iuuat ad comprehensionem quantitatis.

Hoc patet, quoniam per dispositionem speciei in glaciali, habetur cognitio rei. Quanto igitur radij ad acutiorem angulum declinant, tanto plus species adunantur & constringuntur. Quare per consequens necesse est, nisi aliud impediat, ut rei quantitas propterea minor uideatur in oculo. Quapropter et si notitia anguli, sub quo res cernitur, iuuat ad comprehensionem rei, tamen non sufficit, ut infra demonstrabimus.

Propositio XLII.

Per radios qui oblique super oculum oriuntur, visio uigoriatur & ampliatur.

Quod

Quod uisus uigoretur per radios oblique à uisibili proceden-
tes patet. Quoniam etsi principaliter per solos radios perpendi-
culares oculo uisio certificata & distincta fiat, tamen certum est,
quod licet quilibet punctus in uisibili signatus per radium suū,
oculum perpendiculariter tangentem, uideatur; nihilominus, ut
ex prædictis patet, per radios obliquos ab eodem puncto pro-
cedentes, totam pupillam, tanquam basim pyramidis illumina-
tionis, occupat, qui occurrente medio densiori in pupillæ super-
ficie refringuntur ad perpendicularē, & uisionē directā inde coad-
iuuant. Dominantur enim radij ppendiculares, & huiusmodi ob-
liqui cooperant. Porro etiam manifestum est, & uisionem am-
pliari per radios obliquos. Constat namq; experientia, extra py-
ramidem radiosā aliqua uideri, hoc est, angulum pyramidis
radiosæ minoris latitudinis esse, quam res se habeant, quæ uno
aspectu uideri possunt. Radij igitur illarum rerum tangunt &
mouent oculum, per radios in ingressu oculi fractos, & ad cen-
trum oculi declinantes, ut talia ab oculo debiliter aduertantur.
Quare per hæc uisio ampliat. Ista tamen quæ sunt oculo fa-
cialiter obiecta, efficacius representantur, quia tam recte quam
per refractionem apprehenduntur. Quare autem punctus per
diuerfos radios præsentatus, in uno loco appareat, tangetur in
tractatione de radijs fractis,

Propositio XLIII.

Operationem uisibilis in uisum esse dolorosam.

Hoc probatur. Quoniam operatio in uisum est unius gene-
ris; & operatio fortis ac exuperantis lucis, est sensibiliter lesiua
& dolorosa, sequitur omnes lucis operationes tales esse, tametsi
non perpendatur. Hinc etiam est, quod nullum uisibile tam de-
lectabile est oculo, quod continua inspectione ipsum non defa-
tiget, cuius quidem defatigationis, præcedens inspectio causa
e in esse

PERSPECTIVAE COMMVNIS

esse uidetur. Sunt tamen qui diuersim sentiant. Cum enim sensibile sit perfectio sensus, concludunt igitur in actu sentiendi non esse aliquid quod ledat aut corrumpat, nisi immoderatum & excussum sit. Neque admittunt rationem, si excellens sensibile inducit dolorem, ergo mediocre. Quoniam uehemens motus grauat, Mediocris autem motus iuuat & delectat. Quod igitur hic proponitur, ad uisionis cuiuslibet prolongationem restringendum, & non de quacunque breui inspectione intelligendum est.

Propositio XLIII.

Mathematicos, ponentes uisum per radios ab oculo micantes fieri, superflua conari.

Visio enim sufficienter fit per modum praescriptum, per quod saluari possunt omnia, quae sunt circa uisum apparentia. Ergo superfluum est sic radios ponere. Et haec dico ex sententia autoris perspectivae, aliter enim docet Alkindus de aspectibus, aliter Platonici senserunt, aliter Philosophi, qui naturalia tractant, in multis locis sapere uidentur, aliter & D. Augustinus innuere uidetur, cum inquit, quod uirtus animae aliquid in lumine operetur aliter, quam adhuc sit inuestigatum.

Propositio XLV.

Radios quoscunque ab oculo micantes, & super uisibile orientes ad uisionem impossibile est sufficere.

Quod si ponantur radij ab oculo exire super rem uisibilem, idque donec contingat. Aut redeunt ad oculum, aut non. Si non redeunt, uisio per eos non fit, cum anima à corpore non exeat. Si redeunt

redeunt, qua reuertuntur ratione? nunquid animati sunt? nunquid omnia uisibilia specula sunt, radios reflectendo? Porro et si concedamus redire cum forma uisibili ad oculum, tamen frustra exeunt. Quoniam enim Lux ipsa, uel forma uisibilis uirtute Lucis, in totū medium se diffundit, igitur non est necesse, ut radius quasi nunciū requiratur. Denique quomodo aliqua uirtus oculi usque ad sidera protenderetur, etiam si totum corpus in spiritus resolueretur.

Propositio XLVI.

Lumen oculi, naturali radiositate sua uisui cōferre.

Oculus enim, ut dicit Aristoteles, non solum patitur, sed etiam quemadmodum splendida corpora agit. Lumen ergo naturale, ad alterandas species uisibiles, & ad efficiendum proportionatas uirtuti uisui, necessarium est oculo. Quoniam species uisibiles ex luce Solari diffunduntur, sed ex lumine oculi connaturali, oculo cōtemperantur. Sic ergo patet, quod aliquomodo fit emissio radiorum, sed nō modo Platonico, ut radij ab oculo emissi, in forma uisibili intingantur & immergantur, & intincti reuertantur oculo nunciantes. Aliquid tamen radij modo prædicto in uisibile operantur. Quoniam enim uisus in omnibus animalibus est eiusdem rationis; & quædam animalia per lumen oculorum suorum sufficiunt coloribus uirtutem multiplicatiuam dare, ut ab eis nocte uideri possit: sequitur quod lumen oculi aliquid in lucem operetur, & an aliquid ulterius faciant, non desino, nisi quatenus autoris perspectiue, ut dictum est, uestigia sequor.

Propositio XLVII.

Sine luce nihil uideri.

Color

P E R S P E C T I V A E C O M M V N I S

Color enim sine luce, non potest efficaciter radiare, quoniam primum in omni genere, est causa posteriorum. Prima autem radiositas est lucis, & ideo omnis alia ab ipsa causatur. Color igitur ad minus efficaciter radiare non potest, nisi luci admixtus.

Propositio XLVII.

Visum nihil comprehendere, nisi proportionali distantia praesentatum.

Distantia siquidem uel remotio rei uisibilis requiritur ad uisionem. Si enim res uisibilis oculo supponatur, lux super eam non perfunditur, & per consequens non potest mouere visum. Quod si res uisibilis sit luminosa, & oculo supponatur, uidebitur quidem, quia, ut in XLVI. dictum est, uisibile, per lumen, oculo contemplatum & proportionatum fit. *Quidam senes melius uident in maiori distantia, quam in minori.* Quoniam maior distantia est eorum uisui proportionalis, talium enim lumen intrinsecum multum est, sed non clarum, & in maiori distantia disgregando serenatur, & serenatum speciei rei uisibilis superfunditur, ut efficacius moueat, fiatque uisio melior. Ita alij sunt, qui a proximo uident melius, & hi habent lumen modicum & serenum. Qui uero multum & clarum habent, illi a remotiori exactius uident. Super omnes autem alios illi, qui oculos profundos habent, ceteris paribus, a remotiori uident, quia radij luminares ab oculo miris paribus, a remotiori uident, sicut ab oculis eminentibus. Ac semper radij confuncti & adunati fortius super uisibile porriguntur. Patet itaque propositum, uisum ad uisibile, ut fiat uisio, in proportionali inuicem habitudine & distantia esse oportere.

Propositio XLIX.

Sola

LIBER I.

Sola uideri, recte facialiter obiecta.

Hoc patet ex prædictis. Visus enim sit principaliter per pyramidem radiosam à basi opposita super uisum perpendiculariter orientem. Fit etiam uisus per radios extra pyramidem super oculum orientes. Sed super oculum oriri non possunt, nisi qui ex aduerso, oculo se repræsentant, & in superficie oculi non cadunt. Et dico uideri recte facialiter obiecta, quoniam in speculis reflexiue aliqua aliter uidentur, ut infra uidebitur.

Propositio I.

Nihil uideri nisi proportionaliter quantum.

Cuius ratio est, quoniam, ut supra patet, uisus fit per pyramidem radiosam, cuius basis est res uisa. Ergo necesse est, illud quod uidetur esse quantum, & esse proportionabiliter quantum. Non igitur diminutum, tale enim non sufficeret ad imprimendum species oculo efficaciter aut dolorose, ut dicit XLIII. Et corpus excellentis magnitudinis uno aspectu uideri non potest, ut patuit ex XXXI X.

Propositio II.

Visum non fieri nisi per medium diaphanum.

Cuius ratio, quia species non nisi per corpora diaphana possibile est, ut oculo imprimantur. Eorum enim subtilitas congruit multiplicationi formarum, sine materia, & materialibus conditionibus, ad uisum. Verum cum omne corpus, influentia celestis susceptum sit, necessario sequitur, nullum corpus omnino carere perspicuitate, cum & perspicuitas superioribus & inferioribus
f corpori-

P E R S P E C T I V A E C O M M U N I S

corporibus sit communis. Ideoque nulla densitas, transitum uisum
tutum & specierum, quamuis nos lateat, omnino prohibet.
Hinc fortasse illud quod de Lynceo dicitur, ortum est, quem per
hibent, saxa quoque & arbores oculorum acie penetrasse.

Propositio LII.

**Omne uisibile necesse est medium in densitate trans-
scendere.**

Nihil enim potest esse coloratum aut luminosum nisi den-
sum. Nec uisibile glaciale mouere posset, si magis medio esset
perlucidum. Item sine luce nihil uidetur, ut patet ex **XLVII**,
huius, si autem illud quod uidetur perspicuum esset sicut aer, lux
in eo consistere & figi non posset, non ergo uideretur. Omne
itaque uisibile, ut uideatur, medio densius esse oportet.

Propositio LIII.

Omnia quæ uidentur, tempore comprehendi.

Immutatio enim uisibilis, non nisi in tempore fit sensibilis, si-
cut docent illusiones sensuum in ueloci quorundam transporta-
tione. Similiter discretionem rei, non nisi in tempore fieri, patet,
quia in ueloci circumgiratione alicuius corporis, punctus uide-
tur esse circulus. Item cælum uelocissime mouetur, nec tamen
eius motus percipitur, nisi in tempore perceptibili. Amplius
quamuis, secundum quosdam, immutatio possit fieri in instan-
ti, quod non pertinet ad hanc philosophiam, ut infra demonstra-
bitur: certitudo tamen de uisibili, non fit nisi in tempore, scilicet
transportatione axis radialis pyramidis super rem uisam, ut pa-
tet ex **XXXVII**, propositione præmissa,

Propo.

Visionē non fieri lucide sine congrua sanitate oculi.

Hoc ideo dicitur, quia error visus, aliquando est à causa exteriori, p̄gressum à proportionē in aliqua conditione ad usum necessariam, ut in distantia, oppositione, uel huiusmodi alia apprehensione; aliquando ex causa interiori, sicut ex oculi debilitate & paucitate spirituum, uel ex infectione oculi ab extraneo humore uel leſione.

Propositio LV.

Varias & multas esse intentiones uisibiles, & quasdam primarie, quasdam secundarie comprehendī.

Siquidem uiginti duæ sunt intentiones uisu cōprehensibiles, Lux, Color, Remotio uel distantia, Situs, Corporeitas, Figura, Magnitudo, Continuatio, Discretio uel separatio, Numerus, Motus, Quies, Asperitas, Leuitas, Diaphanitas, Spissitudo, Umbra, Obscuritas, Pulchritudo, Turpitudine, Similitudo, & Diuersitas. Hæ sunt principales intēſiones. Et alia secundariæ, quæ sub his continentur, sicut ordinatio sub situ collocat, & scriptura siue sculptura sub ordinatione & figura, rectitudo & curuitas sub figura. Item multitudo & paucitas sub numero, æqualitas & augmentum sub similitudine & diuersitate, alacritas & risus, & huiusmodi quæ cōprehenduntur sub figura faciei, & sic de alijs multis. Principaliter siquidem mouent uisum, lux & color, suis speciebus oculum sigillantes, & ex consequenti alias prænomīnatas illas intentiones uisui representantes, quæ sub eisdem qualificantur.

Propositio LVI.

f ñ

Non

Non omnes intentiones uisibiles comprehendendi sensu spoliato,

Per sensum spoliatum, intellige solum sensum, quoniam quædam comprehenduntur non solo sensu, sed cooperante uirtute distinctiua & argumentatione, quasi imperceptibiliter cōmixta: quædam etiam adminiculo scientiæ acquisitæ. Exempli gratia, cum comprehenduntur duo indiuidua, & similia, ipsa similitudo neutra est formarum, neque cōprehenditur solo sensu, sed collatione unius ad alterum: similiter etiam colorum differentia & aliarum rerum. Amplius, scriptura non comprehenditur solo sensu, sed per distinctionem partium eius, quam facit uis distinctiua mediante uisua. Similiter res asuetæ cum uidentur, statim cognoscuntur, quod non est nisi ex relatione speciei receptæ ad habitum memoriæ, & hoc quasi per raticionationem,

Propositio LVII.

In distinctione uisibilium rationem imperceptibiliter argumentari uel operari.

Nullum enim uisibile cognoscitur, sine distinctione intentionum uisibilium, uel sine collatione, siue relatione rei receptæ ad habitum, uel ad uniuersalia cognitorum prius à sensibilibus abstracta: quæ fieri non possunt absque ratiocinatione. Sed uis distinctiua in his communiter apprehensis, non indiget tempore perceptibili. Quia arguit per aspectum ad speciem sibi notissimam; nec arguit per compositionem & ordinationem propositionum. Vis enim distinctiua nata est arguere sine difficultate, quæ etiam aptitudo naturaliter elucet, quod & in pueris apparet, quod magis pulchra, minus pulchris solent præponere, idque non nisi naturali ratione facta eorum comparatione.

Propo

Lucem & colorem comprehendī sensu spoliato.

Per hoc enim apprehendūtur, quia ultimum sentiens, his tangitur.

Propositio LIX.

Inter lucem & colorem simul oculum mouentes, solum discernere uirtutem distinctiuam.

Tangunt siquidem pupillam simul, & mouent secundū eandem partem. Igitur in sensu confuse recipiuntur, & ita per sensum distingui nequeunt. Quapropter non distinguuntur nisi per experientiam de luce & colore habitam, & per scientiam acquisitam.

Propositio LX.

Quidditatem lucis & coloris solo sensu minime comprehendī.

Quidditas coloris, hic dicitur species coloris, quæ non nisi per relationes ad formas cōsuetas discernitur. Similiter & lucis quidditas, an sit lux Solis, uel Lunæ, uel ignis, ratione & scientia dinoscitur non ex sensu, cum tamen color, in quantum color, & lux, in quantum lux, sensu spoliato capiatur.

Propositio LXI.

Nullam intentionem uisibilium, præter lucem & colorem solo sensu comprehendī,

f. iij

Hoc

P E R S P E C T I V A E C O M M V N I S

Hoc patet, quia sola quidditas coloris inter omnes intentiones siue differentias immediatissima est colori, sic & lucis quidditas, luci. Cum igitur istae quidditates non capiantur solo sensu, multo minus nec aliae quaecumque intentiones uisibiles, uisu percipientur. Sed per distinctionem, argumentationem & scientiam comprehenduntur. Ex his patet, quod solum Lux & Color, & non quidditas lucis & coloris, sint proprium obiectum uisus.

Propositio LXII.

Colorem in eo quod color, prius comprehendit suam quidditate.

Hoc ex praemissis patet. Quoniam color in eo quod color sola intuitionem capitur. Quidditas autem eius non nisi per scientiam & argumentationem cognoscitur, sicut experientia docet. Coloratum enim in Luce sub obscura positum, coloratum esse cernitur, & tamen quidditas eius speciuoca & indiuidua ignoratur.

Propositio LXIII.

Sola distantia mediocris est uisui certificabilis, & hoc per corpora interiacentia continuata & ordinata.

Distantia siquidem uisibilis, uisu non comprehenditur, sed rationatione colligitur, sicut in hac arte seu philosophia parte docetur. Res clausis palpebris non uidetur, quae apertis; illud igitur quod uidetur, uisui non adhaeret. Hoc manifestum est, neque alia probatione indiget. Quare comprehensio quantitatis distantiae, accipienda erit, a quantitate corporum interiacentium, Verbi gratia, nubes in planicie terrae uidentur caelo coniunctae, in montosis autem locis, terrae propinquae; quia alicubi montium altitudi-

altitudinē nō excedunt. Certificatio igit̃ distantie nubiū à uisu, habebit̃ p̃ comprehensionē corporis interiaccētis. Quod si tamē corpora interiaccētia non fuerint ordinata, sed confusa, non poterit apprehensio quantitatis distantie certificari. Deinde si distantia non est mediocris, uisus nō pertinget ad plenam distinctionem corporum interiaccētium remotorum propter debilitatem speciei uisibilis ex distantia, sicut docetur supra propositione XLVIII.

Propositio

LXIII.

Certificari quantitatem distantie, per resolutionem interiaccētis spacij, ad magnitudinem mensuræ certitudinaliter notæ.

Si enim corpora interiaccētia sunt secundum partem & totum æqualiter incerta, nunquam certificabitur ex ipsis incerta distantia. Necesse igitur est, in ea aliquod certum reperiri, cuius quantitatis noticia, per experimentum sit nota, ad quod totum spacium resoluator, sicut ad pedem, uel quantitatem corporis mensurantis, uel ad aliquid, quod sit promptum imaginationi mensurantis.

Propositio

LXV.

Distantiam horizontis maiorem apparere, quam alterius cuiuscunque partis hemisphærij.

Hoc patet per LXIII. præmissam. Si enim per corpora interiaccētia distantie quantitas dinoscitur, ubi maior magnitudo interiaccētiæ uidetur, necesse est, ut etiam maior distantia esse uideatur. Sed inter Horizontem & uidentem tota terræ latitudo interiaccētiæ uidetur. At inter uidentē & punctū cæli uerticale nihil interiaccētiæ uidetur. Quare incomparabiliter plus distare uidetur Horizonti, quàm alia pars cæli quacunque.

PERSPECTIVAE COMMVNIS

Propositio LXVI.

Horizontem apparere terræ cohaerentem.

Cuius ratio est, quia spacium quod est inter ultimā partem terræ uisibilem, & cælum, nullò modo comprehenditur.

Propositio LXVII.

Longitudinem radiorum à uisu comprehendì.

Quod patet experimento in speculis, ubi res creditur esse in extremitate linearum radialium, quas totas existimat porrigi in continuum & directum, & per illas iudicat uisibile contra partem, quæ uisum mouet. Vnde species moueris oculum, non solum ostendit oculo ipsum obiectum, sed etiam mediū radium, cuius ipsa species est extremum, in quo tamen radio medio figi non potest aspectus, quia totus iste radius similitudo est alterius rei uisibilis. Ex hac attamen propositione, radiorum egrediens tium fortissimum argumentum sumi posset.

Propositio LXVIII.

Sitū oppositionis rei uisæ distinctione cōprehendì,

Intentio siquidem Situs tria includit, oppositionem rei diametralem, & positionem rei respectu oculi secundū rectitudinē & obliquitatē, deniq; ordinē partiū rei adinuicē. Primus igitur modus uirtute distinctiua dinoscitur. Res em̄ hoc modo opposita facialiter esse cōprehenditur: quia forma eius sup uisum perpendiculariter oritur quod esse nō posset, nisi opponeretur. Amplius cum opponitur uidetur, cum non opponitur latet.

Propositio

LIBER I.

Propositio LXX.

Situm obliquitatis comprehendi, ex comprehensione diuersitatis distantiae extremorum rei uisibilis,

Cum enim certificatur distantia secundum quod docetur in propositione LXXII. necesse est, ut si extrema inaequaliter distare reperiatur, quod tunc res oblique respiciens oculum iudicetur.

Propositio LXX.

Tertiam situs differentiam, ex ordine speciei in oculo comprehendi.

Sicut enim ex ordine speciei comprehenditur ordinatio rei distinctae, ut supra ex XXXVI. propositione, sic & ordinatio partium cognoscitur.

Propositio LXXI.

Figuram rei uisibilis comprehendi ex duabus ultimis situs differentiis,

Verbi gratia, ex maiori distantia medij quam extremorum comprehenditur concauitas, & econuerso ex maiori distantia extremorum quam medij, conuexitas: & omnes figurae incisionis comprehenduntur ex comprehensione ordinis partium secundum situm rei uisibilis.

Propositio LXXII.

Figuram rei multum distantis minime certificari.

g Cuius.

PERSPECTIVAE COMMVNIS

Culuratio est, quia nec distantia certificari potest, & per consequens, nec situs, nec figura, nec alia descripta intentiones uisibiles. Nam LXXII, docuit solam mediocrem distantiam esse usu certificabilem, in qua etiam sensu distincto figuras rei comprehendere licet.

Propositio LXXIII.



Quantitatem anguli, sub quo res uidetur, minime sufficere quantitati rei uisibilis capiendae.

Quoniam si in circulo producantur diametri orthogonaliter se interfecantes, ponaturque una diameter facilliter ferè oculo obiecta, reliqua uero non, & per consequens ualde oblique oculum respiciens, sub longe minori apparebit, ut patet in figura. Et apparebit tanto minor, quanto angulus est alio minor; sicque non apparebit circulus, sed oblongae figurae,

Propositio LXXIII.

Comprehensionem quantitatis rei uisibilis, ex comprehensione procedere pyramidis radiosae, & basis comparatione ad quantitatem anguli, & longitudinem distantiae.

Sola enim cognitio quantitatis anguli, ad quantitatem discernendam non sufficit, confert tamen ad hoc, sicut patet ex propositione XXXIX. huius: ita neque sola remotio sufficit. Angulus quidem comprehenditur ex dispositione formae in oculo. Et ipsi radij capiuntur ab oculo, ut docuit LXVII. propositio. Ut igitur habeatur certa noticia quantitatis, conferendus est angulus

gulus aequalis, seu idem, cum inæquali longitudine radiorum ad basim, quæ quo est ab angulo remotior, eò maior est. Constat enim líneas ab angulo procedentes tanto ab inuicem plus distare, quanto remotius in continuū rectumq; protenduntur. Quod etiam uirtus apprehensiuæ quantitatis, non solum ad angulum, sed & ad longitudinem distantiae respiciat, experimento probatur. Si enim unus oculus respiciat aliquem magnum parietem, & eius quantitatem certificet. Manifestum est, si oculo apponatur maius, manum uideri sub eodem angulo, uel etiam maiori q̃ paries uisus sit, nec tamen tantæ quantitatis apparebit, quantæ paries apparuit, quia minus distat, & tamen sub eadem latitudine radiorum & basim apparet.

Propositio LXXV.

Certificatio quantitatis fit completiue per motū axis.

Apprehensio enim per ipsum certior est, quia transit non fracte, & est perpendicularis super uisibilem: ac ideo deferatur axis super basim eiusdem, & super spacium, & intra angulum sub quo res uidetur, ut patet ex XXXVIIII, huius.

Propositio LXXVI.

Nulla quantitas rei, immoderate distantis, est oculo certificabilis.

Re enim multum distante, axis qui suo motu uisum certificat, in parua parte rei uisibilis translatus, nullum angulum sensibilem in centro uisus facit. Quoniam, ut supra patuit, res multum distantes sub acutissimis angulis uidentur, & ideo translatus axis inter acutum angulum modica, non est uisui perceptibilis, nec satis efficacis apprehensionis. Amplius nec certificatur

g ij quan

PERSPECTIVAE COMMUNIS

quantitas spacij interiacentis, ut docet LXXII. propositio huius, patet ergo propositum.

Propositio LXXVII.

Distinctionem uisibilium, collige ex distinctione formarum uisibilium radiantium.

Quando enim species oculum mouentes sunt diuersae, res diuersas necesse est apparere, nisi distantia earum ab oculo diuersitatem abscondat. Et per oppositum intellige qualiter continuas apprehenditur, quæ est nona intentio. Ex hoc intellige, qualiter apprehenditur numerus, quæ est decima intentio.

Propositio LXXVIII.

Motus comprehenditur ex diuersificatione situs rei motæ ad aliud immotum, uel ad uisum ipsum.

Quamdiu enim res habet eundem situm ad aliud immotum, & ipsum immobile uidetur. Et quia uisus nihil uidet, nisi sub forma præscripta, per pyramidem radiosam, ideo motus percipitur cum apud centrum uisus in motu, angulus declinationis sensibilibiter uariatur: neque tamen solo sensu, sed concurrente uirtute interiori distinctiua motus comprehenditur.

Propositio LXXIX.

Omne uisibile ad utrumque oculum cõsimiliter situari.


Quod patet, quoniam quando utroque oculo res inspicit, utriusque oculi pupilla ad ipsam rem dirigitur, & axes utriusque oculi
figuntur

figuntur in eodem puncto rei uisæ, qui centro utriusq; oculi op-
ponitur; & uno moto, alius consimiliter mouetur. Aliquero ra-
dij cuiusq; oculi maiori ex parte consimilem situm, axium re-
spectu habent; & ideo res in maiori parte uno & eodem modo
disposita utriq; oculo apparet. Quoniam sicut supra ostensum
est, certificatio dere uisibili est per axes.

Propositio LXXX.

Ex uariato sensibiliter situ uisibilis, duorum axium
respectu, ipsum duo apparere.

Si enim uisibile ad unum axem sit
dextrũ, ad alium sinistrum, sensibili di-
uersitate, unum apparet duo. Verbi
gratia, si axes duorum oculorum A B,
figantur in puncto C, tunc unum uisibi-
le in E apparebit duo. Similiter si figa-
tur in E, tunc duo uidebũtur in C, quia
utrunq; est uni axi dextrum alteri sinis-
trum. Amplius si ex eadem parte re-
spiciantur axes, sed ex magna declina-
tione ad unam partem, sit sensibilis ua-
riatio anguli, qui facit species in oculis,
ideoque similiter unũ apparebit duo.



Verbi gratia, F punctus ex eadem parte respicit utrũq; axema
B & B C, tamen propter magnam uariationem anguli F B C, qui
in oculo B longe maior est, quàm angulus F A C. in oculo A, fit di-
uerificatio situs in oculo, & unum apparet duo. Quod etiam a-
lijs modis unum appareat duo, supra propositione XXXII.
ostensum est.

Propositio LXXXI.

g iij In

PERSPECTIVAE COMMUNIS

In apprehensione uisibilibus iuxta sensum, scientiam & rationem uel Syllogismum uarie errare.

Exempli gratia, in Luce & colore qui sensu apprehenduntur erratur ex distantia. Multi enim minuti colores uidentur ex distantia unus color. Similiter & in Luce debili unus color uidetur alius esse. Quod si dixeris sensum non decipi circa propriū obiectum. Scito proprium obiectum tantum esse lucem, & colores, non autem aliquam speciem lucis & coloris, quæ solo sensu minime capiuntur, ut ostendimus. Similiter secundum distantiam & scientiæ & rationi accidit deceptio, unde mota aliquando uidentur quiescentia, & econuerso.

Propositio LXXXII.

Stellas in Horizonte maiores apparere quam in alia parte cæli.

Quia enim, ut ex LXXXIII. patet, magis distare uidentur Stellæ in Horizonte, quam in alia cæli parte, ac tum in ortu tum in medio cæli sub æquali angulo uidentur, sequitur Stellas in Horizonte maiores apparere quam alibi. Quia res ex æquali angulo ad maiorem distantiam relata, maior esse iudicatur, ut ex prædictis innotuit. Quamquam si distantia esset maior, angulus sub quo uiderentur, esset minor. Est autem æqualis distantia, cum terra sit centrum mundi, & ex definitione sphaeræ, omnes lineæ à terra ad stellas æquales erunt. Ideoque angulus æqualis, ad apparens maius spacium collatus rem, iudicat esse maiorem. Ad hoc etiam interpolitio uaporum iuuat, ut infra dicendum erit.

Propositio

LXXXIII.

Corpora

LIBER I.

Corpora sphaerica in distantia apparere plana.

Cum enim sphaericitas uel concauitas discerni non possit, nisi ex comprehensa inaequali distantia partium rei uisae, necesse est in huiusmodi perceptione uisum deficere, propter immoderatam distantiam, sicut patet. Si igitur nulla pars rei uisae plus altera distare uidetur, necesse est unius figurae & dispositionis, totam superficiem rei uisae apparere.

Propositio

LXXXIII.

Quadratas magnitudines in distantia apparere oblongas.

Excessus enim radiorum cadentium in latera quadrati, oblique respicientia oculum, non est proportionalis, proportionem sensibili, ad radios cadentes in latus quadrati, directe oculum respiciens, per comparisonem ad totam distantiam. Et uisus non sufficit ut discernat obliquitatem lateris, quod oblique uidetur & sub longioribus radijs, & minori angulo, & ideo tale latus apparet minus. Quod si angulus quadrati recte opponatur uisui, apparebit quadratum rotundum uisui, quia angulum praedistantia uisus minime potest discernere.

FINIS PRIMI LIBRI.

PERSPECTIVAE

COMMVNIS, LIBER II.

Propositio I.

Luces primarias & secundarias puras & coloribus
immixtas, à dēſorū corporū ſuperficiebus reuerberari,

meth.
Radius enim Lucis & coloris natus eſt incedere per diapha-
num. Occurrente uero corpore denſo, quia uirtus radiantis, &
influentia radioſi nondum eſt terminata, nec per directum tran-
ſire poteſt, redit radius per reflexionem in partem unde uenit, ſi
cut piſa cum proicitur ad parietem, cum non poteſt per directū
tranſire, reuertitur more reflexionis, in quārum durat uirtus im-
pellentis. Atq; huius rei argumenta nobis, diuerſa experimenta
præbent. Autor perſpectiue hoc in ſpeculis ferreis oſtendit, in
quibus non eſt aliqua diaphanitas, incidente enim radio lucis in
ſpeculum in aliqua domo, in pariete ſenſibiliter lux reflexa uide-
bitur. Comprobant & idem radij Solares, ut docet Ariſtoteles
in primo Methæororum. Quia enim reſſectuntur à ſuperficie ter-
ræ, calor intenſior eſt prope terram, quā in medio aeris inter-
ſtitio. Idem fit & in uallibus ad quas utriuſq; montis denſitas ra-
dioſ reſſectit. Porro reflexio fit non ſolum occurrentibus denſis,
ſed quandoq; occurrentibus perſpicuis corporibus, ſed de mi-
norī genere perſpicuitatis, cuiuſmodi ſunt uitrum, aqua & alia
humida: quæ licet ſint diaphana, tamen habent aliquam denſita-
tem, inde eſt quòd Solis radius ad aquam ueniens, eam ingreditur
per reſractionem: & interim tamen etiam ad partem oppo-
ſitam per reflexionem reſilit, ſicut experientia docet. Nam ocu-
lus in aqua exiſtens Solem uidere poteſt, quòd non eſſet niſi ra-
dius in aqua uſq; ad oculum multiplicaretur. Item ſi aqua uel
alius liquor in domo radij Solis exponatur, radij ſenſibiliter ui-
dentur

LIBER II.

dentur in pariete. Similiter oculus extra aquam existens, potest Solem uidere per radium uenientem ab aqua, quod non esset, nisi radius multiplicaret se ab aqua in aerem, usque ad oculum. Quia itaque aqua habet densitatem aliquam, ideo reflectit radium aliter qualiter, & quia habet perspicuitatem aliquam, ideo præbet transitum aliqualem. Et si domus stet iuxta aquam, possibile est per eandem fenestram, per quam incidit radius Solis, quod ingreditur radius reflexionis ab aqua, & apparebit uterque radius apparitione distincta in domo. Radius siquidem rectus, apparebit deorsum contra Solem, Radius reflexus apparebit sursum contra locum reflexionis. Et alibi in domo, ubi neuter radiorum attingit, est lux secundaria, & ideo lux à luce, claritate differt, quia radius rectus est clarior radio reflexo, & radius reflexus est clarior luce secundaria. Lucēs autem puras & non mixtas uocamus, ut solent esse corpora supercaelestia, quæ coloribus immixtis à superficiebus densorum corporum reflectuntur. Patet itaque, quod omne corpus potest reuerberare uirtutem incidentem super ipsum, quia omne corpus est aequaliter densum, & ubi maior densitas, ibi est maior reflexio, & maior multiplicatio uirtutis uersus agens. Item, ubicunque fit fractio, ibi fit aliqualis reflexio, sed non e conuerso. Nam ubicunque fit fractio, ibi est aliqualis densitas, quare & aliqualis refractione.

Propositio 11.

Reflexiones solas à regularibus superficiebus factas ab oculo sentiri.

Superficies regulares uoco illas, quæ dispositionis uniformis in omnibus partibus suis sunt, ut planas, conuexas, & huiusmodi. Irregulares autem, sunt superficies asperorum corporum, in quas lux cadens, propter asperitatem dispergitur & distrahitur, ne regulariter super oculum oriri possit. Et sic leuia corpora, propter re-

h gula-

P E R S P E C T I V A E C O M M U N I S

gularem superficiem, radios uniformiter reflectunt; sed aspera disperse & difformiter, ideoq; aspera specula non representant imaginem uel figuram rei, sed colorē tantū, leuia uero utrumq; referunt. A superficiebus enim regularibus eodem modo ordinate reflectitur, quo in ipsis secundum pyramides radiolas recipitur, & ideo, quia non fit uisio sine pyramidibus radiosis. Per tales & nō alias superficies peruenit imago rei ad uisum; sicut enī radij illi si essent in directum porrecti, ostenderent id cuius sunt, sic & reflexi illud ostendunt, sed alio modo. Essentiale enim est radij, corpora reuelare, cuius sunt similitudines,

Propositio I I I.

Luces reflexas, similiter & colores, debiliores esse directe radiantibus.

Huius causam præbet, non solum elongatio à fonte, uel à corpore luminoso, imò magis debilitatio ex obliquitate. Rectitudo siquidem cognata est processui lucis, & natura in omni operatione expetit rectitudinem, & agit secundū lineas breuissimas. Ac omnis motus tanto est fortior, quanto est rectior, & per consequens rectitudine sublata, necesse erit uigorem lucis uel coloris ex parte remitti & latescere. Et hæc est ratio, quare lumen Solis per fenestras uitreas coloratas transiens, faciat colorem ipsum sensibiliter radiare & tingere opacum sibi obiectū; propter fortitudinem scilicet radiorum, directe quasi radiantium. Sed radius à solido reflexus hoc non potest facere. Fortitudo enim lucis necessaria est colori, non solum ad ipsum mouendū, sed etiam ad mouendum cum ipso colore medium, quo excedit radij fortitudo uitrum penetrantis, quamuis aliquantulum frangatur.

Propositio I I I J.

Re.

Reflexiones factas à superficiebus fortiter coloratis, nihil aut tenuiter uisum mouere.

Lux enim directa, ut ex præmissa pater, fortior est quàm res flexa, similiter & color. Quòd si illa superficies sit regularis, & bene polita, res in ea uideri poterunt, sed tamen non sicut sunt, uerum colore speciali à speculo uestitæ.

Propositio VII.

Luces & colores à speculis reflexos, res quarum sunt species, oculo ostendere.

Nam species genita à re uisibili, essentialiter habet rem ostendere, cuius est similitudo. Quoniam in se fixum esse nō habens, necessario ducit in alterum cuius est. Quamuis igitur reflectatur, manet sibi essentia sua, & ideo rem ostendit, in situ tamen alio, cuius ratio infra patebit.

Propositio VIII.


Angulos incidentiæ & reflexionis æquales esse: radiumq; incidentem & reflexum in eadem superficie esse cum linea erigibili à puncto reflexionis.

Dicitur autem angulus incidentiæ, quem constituit radius cadens super speculum cum superficie speculi ex una parte, uel ex alia cum linea perpendiculari, à puncto incidentiæ, seu qui idē est, reflexionis imaginabiliter erigibili. Angulus aut reflexionis dicitur, quem cum iisdem constituit radius reflexus. Sic speculum A B, & uisibile C, à quo cadet radius in punctum D speculi, & reflectatur ad uisum in E. Quod si igitur ex E puncto ex-

h a citetur

PERSPECTIVAE COMMVNIS

citetur perpendicularis super planum speculi, dico angulum ADC æqualem esse angulo EDB , uel CDF angulum, eo qui sub FDE , hoc est, angulū incidentiæ, angulo reflexionis. Hoc cotidiana docet experientia. Alhacen & Vitellio docent peculiaria instrumenta fabricare, quibus anguli reflexionis obseruari possint, Simplex tamen quadrans, etiam cotidie, huius rei nos potest certiores reddere. Si enim sumatur altitudo Solis cum eo, de inde excipiaturs radius reflexus ab aqua in aliquam domum cadentem per foramina pinacidiorum, apparebit, perpendicularum semper æqualem arcum de limbo abscindere. Quod & angulo incidentiæ angulus



reflexionis sit æqualis suis comprobatur rationibus. Euclides de speculis, habet suas demonstrationes. Videtur autē hæc esse simplicissima ratio: ducantur in directum continuumq; CD , in G , & FD in H . Si itaq; radius rei uisibilis transiret speculū, manifestum, quod anguli ADC , BDE , Item CDF , HDE æquales essent per XV . primi Elementorum Euclidi, sunt enim sibi inuicem ad uerticem. Cum autē superficiem speculi propter eius densitatem transire nequeat, reflectitur, & quia uirtus radiantis uniformiter, nondum est terminata, necesse est radium ad eundem angulum, quo transiret, à speculo resilire. Vnde si perpendiculariter cadit in speculum, in se reflectitur. Si oblique, oblique quoq; in aliam partem reflectitur. Similia est uidere in motu ponderosorum, si enim aliquod ponderosum ad corpus solidū descendat, uel proiectum fuerit linealiter, si recte projicitur per eandem lineam reuerberatur, si oblique, per consimilem in oppositā partem resilit. Est autē perpendicularis radius fortior alijs, nō solum propter conditionem radij absolutam, sed propter modum oriendi super rem obiectam, sicut patet ex declaratione XV . propositione primi huius. Fortitudo igitur radij cadentis, est secundum

dum quantitatem anguli, quem constituit cū perpendiculari in cadendo. Sed fortitudo in reflectendo, est secundum fortitudinem in cadendo. Modus igitur reflexionis, sequitur modum in eidentia. Amplius illas tres lineas CD , FD , ED , esse in eadem superficie patet, quoniam omnis radius incessui rectitudinis, quantum possibile est, se conformat, quoniam innata est luci rectitudo, quod si aut superficiem istam egrederetur, dupliciter à rectitudine deficeret, & resiliendo & diuertendo. Sunt igitur in eadem superficie.

Propositio VII.

Diaphaneitatem, speculi essentiam nō intrare, ei tamen per accidens aliquid conferre.

Si enim res in speculo ostenditur per radios reflexos, ut iam patet. Ergo perspicuitas, per quam species in profundum speculi ingreditur impedit, & sic non expedit uisioni, ut speculum sit transparent. Quoniam reflexio est à denso, per primam huius, quia densum. Ideoque specula uitrea sunt plumbo subducta. Quod si, ut quidam fabulantur, Diaphaneitas esset essentialis speculo, non fierent specula de ferro & calibe, aut marmore polito, quæ sunt à diaphaneitate remotissima. In ferro tamen & alijs huiusmodi, propter intensionem nigredinis nō potest imago efficaciter representari. Sed in quibusdam lapidibus debilis coloris, multo clarius est uidere imagines recipi, q̃ in uitro.

Propositio VIII.

In speculis uitreis, plumbo abraſo, nihil apparere.

Cuius ratio est, quoniam licet à utriusque superficie fiat aliqua reflexio, tamen quando utrumque ex aliqua parte nō obumbratur, transit per ipsum lux directæ, quæ fortitudine sua reflexum uin-

PERSPECTIVAE COMMVNIS

cit, sicut patet ex iii. præmissarum huius. Quod si apponatur pannus obscurus & niger, uel huiusmodi aliquid poterit uideri imago rei uisibilis. Nam tunc nihil directe transit per utrū, quod sit magnæ in radiando efficaciam. Et sic, ut supra patuit, diaphaneitas utri, nō est de essentia speculi, nec de ratione ipsius, quia ipsa impediret magis reflexionem, ex quo species intrarent illa diaphaneitatem. Nihilominus tamen speculum potest esse diaphanum, licet de ratione eius non sit, sicut apparet in gemmis preciosis, ut Adamante, Crystallo, & huiusmodi. Ac fortior sit reflexio, quando specula sunt per corpora diaphana obfusca, cumq; recipiant reflexus in reuerberatione, clariores fiunt, quā in densis corporibus.

Propositio IX.

Superficies regulariter speculares septiformes esse.

Est enim speculum planum cuiuscunq; formæ, est sphericū, tam concauum quā conuexum: est pyramidale intra & extra politum, sic & columnare. Et in his septem differentiis, scilicet plana, conuexa tria, & concaua tria, spherica, pyramidalia, & columnaria, fiunt per singula diuersa apparitionum genera. Quædam aut sunt superficies irregulares, quæ quamuis sint politæ, uidetur partim planæ, & partim conuexæ, & partim concauæ, in eis tamen facies distorte apparent, propter irregularem reflexionem à superficie diuersitate.

Propositio X.

Materia speculi est leuitas intensa, forma uero perfecta politura.

Leuit

LIBER II.

Leuitas hic dicitur magna partium continuitas, carens poris sensibilibus omnino, unde lignum & huiusmodi corpora nō possunt esse specula. Per polituram intelligitur, omnis asperitatis amotio. Si igitur sit corpus multum leue, & intense politum, erit speculum essentialiter. Ad hoc tamen ut speculum lucide uisibilia representet, exigitur, ut non sit coloratum colore sensibili. Requiritur etiam, ut nec puluere, nec anhelitu, nec humore sit respersum: & hoc est quod dicunt oportere speculum esse tersum & leuitate intensa. Ideoq; politura hoc unum agitur, ut inducatur leuitas. Et quo materia est durior, eo etiam magis intensam leuitatem & puritatem recipit, quemadmodū in Adamante, & in durissimis metallis subductis folijs uel obfuscatis patet. Quare leuitas est materia speculi, & politura forma, quæ nihil aliud est quàm planissima glacies, in qua demoliti sunt pori sensibiles & grossities uisibilis.

Propositio XI.

Res in speculis apparere uniuersaliter debilius quàm directe.

Quoniam, ut patet ex tertia huius, formæ reflexæ debiliores sunt, & ideo debilius representant, & etiam debiliter mouent, propter quod homo uix suæ formæ recordatur in speculo uisæ, cum alterius quem directe uidit, ideam semper in animo secum circumferat. Præterea & color speculi etiam immiscetur luci reflexæ, & obfuscet eam, ideoq; facies illo colore tincta apparet, quo speculum est coloratū. Latent etiam faciei maculæ propter debilitatem reflexionis. Quanto enim speculum magis est lucidum, tanto facies apparet candidior; & quo de nigredine plus participat, tanto facies obscurior uidetur, ut in ferreis & uitreis speculis contingit, quæ multum habent nigredinis, cū propter materiam, tum propter id quod eis subducitur, ne species penetrent

PERSPECTIVAE COMMUNIS

penetrent. At Crystallina & Gemmea specula, subducta folijs, facies absq; maculis sensibilibus, & in proprio colore carneo, referunt, idq; rectius quàm ulla alia specula. Et si enim reflexionis aliquid addunt perspicuitatis, tamen ea penetrat, ut ei immisceatur & representetur oculo, quo faciem aliter quàm directè uideretur, ostendat. Quare, ut perhibent, Reges orientis Adamantis na & Crystallina specula habere solent.

Propositio XII.

In quolibet puncto speculi, obiecto luminoso, duas lucis terminari pyramides, unam incidentem, & aliam resilientem.

Prima pars huius patet, ex quarta propositione primi huius. Et quia lux reflectitur à polito, sequitur, ut etiam pyramis à quolibet puncto reflectatur, quod secundo proponebatur.

Propositio XIII.

A quolibet puncto luminosi, in quemlibet punctum speculi obiecti, radium incidere.

Hæc sequitur ex III. primi huius.

Propositio XIII.

A quolibet puncto luminosi porrigi pyramidem, totam obiecti speculi superficiem occupantem.

Hæc sequitur ex VII. primi huius.

Propositio

24

LIBER II.
Propositio XV.

A superficie speculi infinitas fieri completas reflexiones formæ uisibilis.

Hoc ex præhabitis patet. Sit enim res uisa plana, & speculum planum, tota species rei uisæ, non solum recipitur in tota superficie speculi, sed in qualibet parte eius. Et quamvis partes, à quibus potest fieri reflexio, sint finitæ, per diuersam tamen compositionem, cum alijs partibus sunt infinitæ. Cum igitur secundum modum incidentiæ sit reflexio, oportet infinitas, à quolibet speculo, fieri reflexiones. Secundum enim aliam atq; aliam pyramidem, in quolibet alio atq; alio puncto sit uisio. Non tamen ideo sunt infinita actu, quia hæc omnia sunt unum corpus lucis. Reflexiones aut completæ, sunt quæ totā rem ostendunt.

Propositio XVI.

Radium super speculum perpendiculariter orientem, in se reflecti.

Hæc sequitur ex sexta huius. Quoniam si per aliam lineam reflecteretur, per minorem angulum resilliret, & non essent æquales anguli incidentiæ & reflexionis.

Propositio XVII.

Lucem reflexam, per aggregationem fieri fortiorē luce incidente.

Omnis siquidem uirtus unita, plus potest dispersa. Et similiter radij cum disperguntur, debilitantur, & cum adiuantur, fortificantur

PERSPECTIVAE COMMUNIS

tificantur. Quare ad aliquem effectum producendū magis conferūt radij reflexi adunati, quā directi dispersi. Hinc est, quod à speculis concavis sphaericis ad Solem positis ignis accenditur. Si enim directe speculum radijs Solis opponitur, omnes partim super unum punctum, partim super unam lineam incidere necesse est. Omnes enim radij ab eodem circulo reflexi, in unum punctum cadunt. Cum namq; talium sint æquales anguli incidentiæ, reflectentur etiam ad angulos æquales. Quod autem lux directa ignem non generat, est, quia radij Solis non possunt concurrere, nisi fracti uel reflexi,

Propositio XVIII,

Lucē speculo incidere, & reflecti per lineas naturales,

Linea siquidem radiosa naturalis est, nec saluatur radij essentia, nisi in latitudine aliqua. Et quia apparitio in speculis, secundum diuersitatem figuræ mutatur, planum est, quod à puncto Mathematico non sit reflexio, quia illius nulla est secundū superficiem diuersificatio. Quare lineam naturalem, definimus esse radium uisibilem, si uisibilis, ergo latitudine aliqua uisibilis. Similiter punctus est finis & principium radij lineæ uisibilis, sicut & Mathematicæ considerationis est, non tamen cuius pars non est. Nam linea ab oculo comprehenditur, igitur & principium eius, quod hic pro modica parte accipitur, & non Mathematicæ omnino. Constāt itaq; nostrum propositum.

Propositio XIX,

Formas in speculis apparentes, per impressionem in speculis factam, minime uideri,

Quidam

Quidam enim existimant, quod res in speculis appareant per Idola, quæ speculis imprimantur, & res quasi in Idolis apparere. Idola tamen ipsa primo uideri. Et iste error geminatur. Quidam enim dicunt Idolum ipsi speculo imprimi, & ibi esse tanquam maculam uel impressum signum, ac uisum mouere. Hoc multipliciter falsum ostenditur. In speculis enim ferreis, & adamantinis uidentur res, in quibus tamen nulla est perspicuitas receptivæ impressionis. Item si res imprimeretur speculo, diffunderet se undiq; à speculo, neq; requireretur determinatus situs oculi ad uidendum rem in speculo, sed posset uideri in omni parte respectu speculi, quod falsum est. Non enim uidetur res, nisi oculo existente in eadem superficie, cum linea incidentiæ & linea reflexionis, æqualibus existentibus angulis incidentiæ & reflexionis, Item quantitas Idoli nunquam excederet quantitatem speculi, quod falsum. Item in uno eodemq; puncto speculi, à diuersis uisibus, diuersa & distincta quoq; conspiciuntur Idola. Porro si Idolum imprimeretur speculo, appareret in speculo & non ultra speculum, quod etiam falsum est. Apparent enim in concursu imaginario radij cum Catheto. Neq; est quod dicatur perspicuitatem aliquid ad essentiã speculi per se facere, ut docuit septima huius. Proinde alij dicunt Idolum non imprimi speculo, sed esse in concursu radij cum catheto, scilicet ultra speculum, ubi apparet Idolum, quod pariter absonum est. Nam in aqua turris apparet tantum esse in terra, quantum est in aere. Et si ponatur mons Aeneus in loco apparitionis, ita liquide apparebit, ac si ponatur ibi aer uel aqua. Idola igitur rerū, non imprimuntur speculis. Apparent tamen res in speculis secundum ueritatem, ueluti Sol uel turris, aut aliud huiusmodi, sed extra locum suum. Nam res non apparet uisui per reflexionem in loco suo. Quia em̃ uisus assuetus est uidere per lineas rectas, ideo non percipit incuruationem reflexionis. Sicut aliquando oculus unum iudicat esse duo, ut supra patuit, quia res apparet non solum in loco, sed etiam extra locum suum, ita etiam in propo-

PERSPECTIVAE COMMUNIS


ko, quantum ad hoc, quia res in speculo secundum ueritatē uide-
tur, sed in situ erratur, & aliquando in numero, ut infra patebit.
Hinc est, quod uisus semper aestimat rem esse in radio uisuali, &
locum imaginis, quam uocamus apparitionem rei, in aliquo
puncto eius, & ideo uisus iudicat rem esse in directo oculi,

Propositio xx.

In speculis planis, ex alijs in maiori parte, imaginem
apparere in concursu radij cum catheto,

Cathetus, est linea perpendicularis ducta à re uisa super su-
perficiem speculi, uel super lineam contingentem imaginabili-
liter superficiem speculi, & ultra speculum, si opus fuerit, in dire-
ctum continuumq; protractam. In concursu inquam huius ca-
theti, & radij scilicet imaginabilis sub quo res uidetur, apparet
illa imago esse, quæ uidetur. Quod hoc modo probatur. Longi-
tudo radiorum oculo præsentatur, per LXVII. primi huius.
Sed quia pars radij reflexa mouet uisum, & partem radij inci-
dentem in speculum apprehendit, nec oculus aduertere potest
reflexiones, siquidem nihil nisi partem radij, quæ uisum qualifi-
cat apprehendit, sit ut totus radius, quasi in continuū directūq;
procedens, oculo repræsentetur. Quapropter necesse est, rem
quæ in speculo uidetur, si supra speculum est, sub eo, in concursu
radij cum catheto apparere. Sit exempli gratia, speculum ABG ,
res uisa C , oculus uidens D . Et à re uisa in speculum cadant ra-
dij KA , CB , quæ reflectantur ad oculum per radios AD , & BD . Sit
uero cathetus $KCGFE$, & reijciatur radius de A in E , & ex B in F .
Punctus igitur K uidetur in E , & punctus C in F sub radijs reflexis,
quia totus radius KA , uel CB , præsentatur oculo, quasi in cō-
tinuum directūq; procederet, quoniam reflexionem non per-
cipit. Sed in catheto, F punctum à G tantum distat sub spe-
culo, quantum C à G supra, similiter & E à G , quantum K ab ea-
dem

dem interfectione catheti cum linea contingenti speculū. Cum enim per sextam huius anguli incidentiæ & reflexionis sint æquales, & radij sub iisdem angulis uideantur porrigi in profundum, quibus reflectuntur, per **XV. primi Elementorum Euclidis**, ac anguli qui circa G recti, sequitur per **XXVI. primi Elementorum Euclidis**, latus CG æqualis esse, lateri GF , item KG , lateri GE . Manifestū itaq; est res in catheto eodem modo apparere, quo situ proprio. Sed hoc rectius in speculis planis quàm alijs apparere,

Propositio **XXI.**

Altitudines in speculis directe suprapositas, euerfas apparere.

Hæc patet ex præmissa. Demonstratum enim est c & x puncta in eodem catheto tantum infra speculum apparere, quantū supra speculum emineant. Et huius rei exemplum sumi potest de domo uel arbore stante iuxta aquam, cuius supremum maxime apparet deorsum, & econuerso. Nam quod est supremum in aere, apparet infimum in aqua, propter radiorum elongationem; & superiores partes, quātum eminept superius, tantum inferius apparent in profundo, propter casum radiorum in catheto. Res igitur tantū apparet ultra speculum, uel sub ipso, quantū est supra. Quod si oculus se ipsum uideat, idem accidit quāuis radius perpendiculariter oriatur, quoniam, ut dictum, radius directe comprehenditur. Amplius perpendicularis radius nō

PERSPECTIVAE COMMUNIS

est secundum esse naturale, sed imaginarium, declaratur igitur quod dictum est secundum veritatem. In alijs tamen speculis præterq̃ in planis res aliter se habet, ut infra demonstrabimus.

Propositio XXII.

In speculis planis facialiter obiectis, apparere imagines præposteras, & sinistra dextris pmutatim opposita,

Huius propositionis prima pars patet ex præmissa. Ex eodẽ enim sequitur, ut superius appareat inferius, ex quo sequitur, ut antèrius appareat posterius. Amplius secunda pars sequitur, quoniam in eodem speculo, eadẽ res apparet sibi opposita. Res autem oppositæ habent dextra sinistris opposita pmutatim. Ratio uero cur res appareat opposita est, quia pars radij mouens oculum dirigitur in oppositum, & propter hoc totus radius, uelut in partem illam, quasi porrectus accipitur, & per consequens res in extremo eius uidetur.

Propositio XXIII.

In speculis planis unam solam imaginem apparere,

Sit enim res uisa A, in speculo B C E G, & sit oculus F, fiatq̃ uisio per radium incidentem A E, & radium reflexum E F. Dico quod punctus A, nõ potest reflecti ad uisum F, ab alio puncto speculi, quàm ab E. Si enim est possibile, detur alius punctus, in quem cadat radius ab A in speculum, utpote C. Radius itaq̃ A C, reflectetur ad æqualem angulum in K. Sed quia angulus incidentiæ A C B, maior est angulo incidentiæ A E B, per X VI primi



primi elementorū Eucli, utpote in triangulo AEC , uno latere pro ducto, exterior interiori & opposito. Erit angulus reflexionis KCE maior angulo reflexionis FEG . Impossibile igitur est, ut radij CK , & EF in parte K & F concurrant. In duas enim lineas CK & EF incidit linea CE , & quia per $XI II$. primi Elementorum Euclidis FE linea incidens in BG lineam, cuius CE pars est, facit duos angulos GEF , & BEF , duobus rectis æquales, ac angulus KCE demonstratus est maior angulo FEG , sequitur KCE , & CEF angulos maiores esse duobus rectis. Radij igitur reflexi CK & EF , ex alia parte concurrent per $X I$. communem sententiam, & in parte K & F , quod longius protracti fuerint, eò longius distabunt. Porro si alius est punctus reflexionis quam E , non in longitudine speculi, sicut posui, sed in latitudine. Tunc poterit duci perpendicularis ab oculo, æquedistans perpendiculari erigibili ab alio puncto, & ita ab uno puncto essent plures perpendiculares aducibiles, quod est impossibile. Patet itaq; propositum per demonstrationem respectu unius oculi.

Propositio $XXIII$.

In speculo fracto, mutato situ partium, diuersas imagines apparere.

Hoc experientia docet. Si enim partes speculi fracti ad eundem situm coaptentur, ad quem ante fractionem, non plures apparebunt imagines in fracto, quam in non fracto. Plurificatio namq; apparitionum, non est propter fractionem, sed propter situs partium mutationem. Ita & in speculo concauo intergro plures apparent imagines, ut infra patebit. Quia enim, ut docuit $XI I$. & $X V$. huius, à qualibet parte speculi fit reflexio, sed in partes diuersas, ex mutatione situs partium fractarū fieri potest, ut sit reflexio, ad eandem partem, & per cōsequens simul diuersas imagines apparere, non tamen plures, sed unam prætere

P E R S P E C T I V A E C O M M U N I S

tendere. Amplius ex consimili causa accidit, quando speculum ponitur in aqua, ex eodem luminoso plures apparere imagines. Est autem uulgatum, si ita speculum in aqua Soli opponatur, quod una illarum imaginum sit imago Solis, & alia alicuius stellæ existentis prope Solem. Sed stella fixa esse non potest, quia Sol occultat eas, nec est aliqua de Planetis, quoniam Planetæ aliquando plus, aliquando minus distant, cum hæ imagines semper æqualem distantiam habeant. Præterea ad lumen Lunæ, idem sicut Solis accidit. Item ad lumen candelæ similiter potest experiri. Quapropter non est stella, quæ apparet, sed est duplex imago Solis uel Lunæ, uel candelæ de duplici speculo reflexa. Fit enim reflexio à superficie aquæ, & cum lumen radiosum intrat in aquæ profundum occurrente speculo denuo inde reflectitur, & necesse est iuxta diuersitatem situs & superficie speculi aliud eiusmodi luminosi Idolum apparere. Et æstimatur, quod illa quæ ab aqua fit, maior sit & sensibilior, quoniam radius, qui facit aliam imaginem multum debilitatur. Primo enim frangitur in superficie aquæ, deinde reflectitur à speculo, tertio frangitur à superficie aeris. Sed reflexio & fractio multum debilitant speciem, ne possit sufficienter representari, & ideo imago ista est debilior, & minor & minus sensibilis. Quare etiā hoc modo non sunt plura Idola, nisi à ualde luminoso.

Propositio XXV.

In speculo plano duobus oculis unam imaginem apparere.

Quanquam enim ex diuersis punctis ad utrumque oculum fiat reflexio, tamen radij reflexionis secunt se in catheto, & aspectus utriusque oculi ad idem terminatur, sicut patet aptando XX. propositionem utrique oculo, adiuvante LXXIX. primi huius, quoniam axes ad idem diriguntur,

Propositio

LIBER II.
Propositio XXVI.


In omni superficie reflexionis, quatuor præcipue puncta contineri: & quod extra illa est minime uideri.

Hi quatuor puncti sunt, Centrum uisus, Punctus apprehensus, Terminus axis, id est, perpendicularis ductæ à centro uisus in speculum, & punctus reflexionis. Nec uidetur quod extra illam superficiem est, sicut ex **XXII**, propositione huius patet.

Propositio XXVII.

In speculis planis inuenire punctum reflexionis.

Sit enim **A** punctus uisus, **B** oculus siue centrum uisus, speculum **DGH**, & ducatur cathetus **AH**, qui productus in continuum directumq; ultra speculum tantum, quantum **A** est supra speculum, cadat in **Z**: ac ducatur linea recta **BZ**, per punctum speculi **G**. Dico quod **G** est punctus reflexionis. Ducatur enim radius incidens **AG**. Quoniam igitur angulus **ZGH**, æqualis est angulo **DGB**, quia ei est ad uerticem: & in duobus triangulis **AHG**, **HZG**, duo latera **AH**, & **AZ**, ex constructione sunt æqualia, & **HG** latus utriusq; commune, ac anguli, qui ad **H** recti, sequitur per **III**, primi Elementorum Euclidis, totum triangulum toti triangulo, & basim basi, ac reliquos angulos reliquis angulis, quibus æqualia latera subtendunt alteri alteri, æqualia esse. Quare angulo **AGH**, æqualis est angulus **HGZ**, sed ostensum est, eundem q; angulo **BGD** æqualem esse. Proinde, ut patet ex præmissis, à puncto **G**, & à nullo alio est reflexio. Contingit etiam unum apparere



k duo


PERSPECTIVAE COMMVNIS

Ita sit propinquior quàm res uisa, quod non est in planis, sicut supra patuit.

Propositio . XXXI.

In speculis sphaericis exterioribus, partes rei sicut sunt ordinatas apparere.

Exempli gratia, Sit res uisa AB , centrum speculi D , oculus E . Planum est, quod radius EH concurrat cum perpendiculari AD in puncto F , & radius EK cum perpendiculari BD in puncto G .



Erit igitur imago GF , minor quidem re uisa, sed tamen partes inconfuse & ordinate apparebunt. Quod si res uisa ponatur in eo situ cum diametro, sicut OB , idem iudicium apparebit, sicut patet ductis lineis ad OB , quemadmodum ad AB factum. Ex quo patet, quod obliquae longitudines, in dictis speculis apparent quemadmodum sunt in ueritate.


Propositio XXXII.

In sphaericis speculis, recta in maiori parte curua apparere.

Hoc intelligendū de curuitate nō ad centrum speculi inflexa, sed ab eo auersa. Exempli gratia, Sit speculum sphaericum KN , res uisa ABC , oculus D , qui non sit in eadem superficie cum re uisa, & reflectatur ad oculum per DE , DF , DG . Apparet igitur res curua, cuius ratio est, quoniam in omnibus speculis, figura imaginis sequitur modum figurae reuerberantis. Fit enim a superficie

PERSPECTIVAE COMMVNIS

Quoniam, ut in præmissis habuimus, concursus radiorum cum catheto, in sphaericis propinquior est oculo quàm in planis speculis. Radij uero ab eodem puncto procedentes, quanto magis protenduntur, tanto eorum extrema magis distant, & e conuerso quo minus protelantur, eo eorū extrema min⁹ inuicem distant. Sequitur, sicut in planis speculis demonstratū est, imaginem æqualem esse rei uisæ, ita in sphaericis eundem minorem esse. Euclides autem de speculis aliam huius rei causam adducit, cuius hæc est sententia. Quia in planis speculis, à maiori superficie, quàm in sphaericis fit reflexio, manifestum est, & reputatio Idoli, sequi conditionem reuerberantis superficies, ideo oportet rem uisam in sphaericis speculis minorem apparere. Quoniam enim radij à conuexis reflexi magis disgregantur, quàm à planis, propter declinationem circuli, à quo est reflexio. Vt ad uisum concurrant radij, oportet reflexionem à breuiori superficie fieri. Hæc tamen intelligenda sunt de plerunq; contingentibus. Nam in his speculis, contingit rem in aliquo situ apparere eiusdem quantitatis cuius est: & aliquando maioris, sicut probat Alhacen in sexto perspectiuæ. Quando enim imago non æquedistat rei uisæ, tunc etiam facit angulum acutum, cum radio, cuius casus est propinquior centro, & sic contingit imagi-



nem æqualem uel etiam maiorem esse rei uisæ. Propter sitū namq; obliquum rei respectu speculi, potest unus radius respectu alterius breuiari, ita ut ex tali obliquo iectu,

su, imago excedere possit rem, uel ei æqualis esse. Quod autorẽ de speculis latuit. Sed hæc ex sequentibus figuris exemplariter est deprehendere.

Propositio XXXIII.

In speculis conuexis quò minora sunt, eò in eis imagines minores apparere,

Quanto enim sphaera minor est, tanto concursus cum catheto est centro propinquior, & locus imaginis angustior, quo breuior semidiameter ei obuiare dinoscitur.

Propositio XXXV.

In speculis columnaribus extra politis, ijdem accidunt errores, qui & in planis ac sphaericis.

Hic loquimur de columna rotunda, quæ in longitudine conuenit cum planis, in rotunditate cum sphaericis, ideo utroque errores participat.

Propositio XXXVI.

In speculis columnaribus, tripliciter fieri reflexiones.

Potest enim fieri reflexio à longitudine columnæ, uel ab eius transuerso, uel à medio situ, inter utrumque obliquo. Tunc autem fit reflexio à longitudine columnæ, quando linea uisa, æquedistat lineæ longitudinis columnæ, sicut in planis speculis, atque per hanc reflexionem, locus imaginis, est in concursu radij cum perpendiculari ducta super columnæ longitudinem, ac res apparet

P E R S P E C T I V A E C O M M U N I S

paret, sicut in planis, hoc excepto, quòd quia reflexio fit à linea naturali, quæ scilicet latitudinem habet, oportet rem aliquantum curuam apparere, sicut de speculis conuexis ostensum est. Quòd si uero fiat reflexio à linea circulari æquedistanti basibus columnæ, ueluti quando linea uisa ex transuerso columnæ applicatur, tunc locus imaginis, erit centrum circuli reflexionis, & apparitio assimilatur quodammodo ei, quod in sphericis est prædictum, ut locus imaginis aliquando appareat infra circulum, aliquando extra circulum, aliquando in ipso circulo: res tamen minor apparet, quàm in sphericis, imò imago apparerit breuissima & turpissima, & hoc non potest commode in plano depingi, sed id experientia melius docebit. Postremo cùm medio modo sit inflexio, hoc est, neq; à longitudine, neq; ab altitudine, sed ab obliquo, accidit etiã quantitatís uariatio, in quantum scilicet sectio columnæ magis ad longitudinem uel latitudinem columnæ accedit. Et locus imaginis similiter esse potest, uel ultra uel citra speculum, uel in ipso speculo.

Propositio XXXVII.

In speculis pyramidalibus extra politis, multiplicari reflexiones sicut in columnaribus.

Hoc patet, quia potest fieri reflexio, uel à longitudine pyramidis, uel à latitudine, uel à medio. Ideo sicut in columnaribus diuersificantur apparitiones. Locus scilicet imaginis, & figura rei apparentis. In hoc tamen differunt, quoniam in his res apparet pyramidata, eadem ratione, qua columnaris in columna. Vnius tamen rei, ab uno puncto, supra unum locum fit reflexio, sicut in columnaribus & alijs extra politis.

Propositio XXXVIII.

In

In speculo pyramidalī, quò locus reflexionis est co-
no propinquior, cò imago minor.

Culus ratio est, sicut supra in còuexis, ppositiōe XXXIIII.
Quoniam quanto sphaera est minor, tanto concursus cum cathe-
to est propinquior, & locus imaginis angustior, quo breuior.

Propositio XXXIX.

In speculis sphaericis concavis, quoniam possibile est
radius, perpendiculari non concurrere, necesse est ali-
ter quàm in praemissis locum imaginis apparere,

Per perpendicularē, hic sicut in sphaericis extra politis in-
telligendum, lineam rectam ductam à re uisa per centrum sphae-
rae. Haec autem perpendicularis aliquando aequidistat radio ui-
suali, & tunc locus imaginis est in puncto reflexionis. Idcirco pro-
pterea, quia punctus reflexionis diuisibilis est, & ratione unius
medietatis apparere deberet ultra speculum, & ratione alterius
citra, ut patebit, sed quia una est forma & continua, apparet tota
in media distantia, scilicet, in ipso puncto reflexionis. Quando
uero concurrunt perpendicularis & radius, apparet res in eorū
cōcursu. Quod fit diuersimode, iuxta diuersum situm, aliquan-
do siquidem locus imaginis est in speculo: aliquando ultra, ali-
quando citra, & hoc aut inter uisum & speculum, aut in ipso cen-
tro uisus, aliquando etiam retro oculum. Quae omnia, ut intelli-
gantur, oculis subiiciemus exemplariter. Sit speculum concauū
FPL, cuius centrū sit D, & ducatur diameter DA, & sit oculus A,
ducaturq; alia diameter istum orthogonaliter secans, quae sit I
F, & ex A exciteſt ABE recta aequidistans diametro IF. Deinde si
gnentur in diametro IF, puncta M, C, K, Q. Manifestum est igitur,
quòd forma C, ab E speculi puncto reflectatur ad A oculum,

1 per

PERSPECTIVAE COMMVNIS

per lineam $E A$ aequidistantem diametro $L F$, seu perpendiculari $C D$, & apparet in E . Porro patet quod M reflectitur ab N , ad A ,



per lineam $N A$, & concurrit cū perpendiculari $D M$, in puncto L . Sed K reflectitur à puncto G , ad A , per lineam $G A$, & concurrit cum perpendiculari $K D$ in O . Sic Q reflectitur à puncto R , ad A , per lineam $R A$, & concurret cum perpendiculari in puncto B . Quod si autem sumatur in diametro $D A$, punctus Z , iste reflecti poterit à puncto I , & non concurrit cum perpendiculari $Z D$, nisi in ipso oculo: Quapropter locus imaginis puncti M , est ultra speculum in L . Locus imaginis puncti C in E , scilicet in ipso speculo. Puncti uero K , retro oculum in O , sic & Q in B . Locus deniq; imaginis Z , in ipso oculo. In his autem diuersitatibus apparitionum, nusquam comprehenditur ueritas imaginis, nisi cum locus eius fuerit ultra speculum, aut inter ipsum & speculum: unde quæ apparent in ipso oculo, uel retro caput, non apparent cum certificatione rei uisibilis. Visus enim non est natus apprehendere certificationem formarum, nisi sint facilius oppositæ.

Propositio XL.

Res existens in centro speculi concaui nō uidetur.

Reflexione uideri non potest, quoniā radij ab ea perpendiculariter cadunt super superficiem speculi. Igitur in se ipsos redeunt, & ita ad nullum alium punctum declinant extra centrum. Cum igitur oculus sit extra centrum, non uidebit id, quod est in centro.

Propositio XLI.

Oculus


Oculus existens in centro speculi concaui sphaerici,
uidet se tantum.

Hæc sequitur ex præmissa directe. Quoniã, cum res extra cen-
trum posita, radios habet sup̄ superficiem speculi cadentes obli-
que, sequitur ut radij etiã ad partem oppositam reflectantur,
& non in ipsum centrum; æquales enim sunt anguli incidentiæ
& reflexionis. Posito igitur oculo in centro, quia radij in se refle-
ctuntur per præmissam, clarum est, oculum se tantum uidere.

Propositio XLII.

Oculus, existens in semidiametro speculi concaui
sphaerici, nihil eorum uidet, quæ in illa semidiametro
continentur.

Sit enim diameter $A B C$ speculi sphaerici concaui, & sit ocu-
lus in aliquo puncto semidiametri $B C$, utpote in D . Dico impos-
sibile esse, ut aliquis punctus semidiametro $B C$, per reflexionem
perueniat ad oculum D . Si enim possibile,
cadat ex C puncto in E speculi, & reflecta-
tur ad D , ac agatur ad punctum E linea cõ-
tingentia $F E G$, p̄ XVI . tertij elementorũ
Eucl. Erit igit̄ angulus $C E G$, æqualis an-
gulo $F E D$, cũ anguli incidentiæ & reflexio-
nis, semp̄ sint æq̄les. Sed ducta linea $B E$,
anguli $B E F$, $B E G$, erunt æquales, quia res-
cti, per XVI . tertij Elemen. Quamobrem $D E F$, erit maior recto,
& $D E G$ minor. Non igitur æquales. Per sextam itaq; propositi-
onem huius patet propositum.



Propositio XLIII.

I 3


Quilibet

telligitur ad angulos rectos erecta plano circuli ABZ , super diametro GB , quæ sit linea communis sectionis. Et tamen, non nisi unica imago, ab omnibus istis reflexionibus apparebit, in puncto scilicet B .

Propositio XLV.

Re uisibili & uisu, extra sphaeram existentibus, in diuersis diametris ab uno solo puncto fit reflexio.

Sit C punctus rei uisæ, H centrum oculi, & sint super æquedistantem KEF , sitq; D centrum speculi sphaerici concavi, & ducantur lineæ HD & CD . Patet, quod superficies HD , sphaeram speculi concavi in circulo $ABGQ$ secet. Igitur C non reflectitur ad H , nisi ab aliquo puncto huius circuli per $XXVI$. huius. Non autem fit reflexio ab arcu GB , quoniam linea ducta HC , cadit supra ipsum speculum exterius & non interius. Reflectetur igitur ab arcu QA , in cuius extremitatibus terminantur lineæ CD , HD , protractæ. Dico, in hoc arcu unum tantum esse punctum, a quo possit fieri reflexio: uidelicet punctus Z , qui est terminus lineæ LD , diuidētis angulum HD , per æqualia. Ducantur lineæ CZ , HZ . Triangulus igitur CDZ erit æqualis triangulo HDZ , per III. primi Elementi Euclidis. Sed HD & CD sunt æquales, per eandē, igitur HZD angulus æqualis est angulo DZC . Ideoq; res uisa in C , reflectetur in puncto Z , ad H uisum. Quod si HD minor



PERSPECTIVAE COMMVNIS


esset quàm $c d$, uel econuerso : re uisâ scilicet & oculo inæqualiter distantibus; ducatur linea contingens prædictum speculum in puncto e , ubi linea diuidens angulum $c d h$ intersecat circumlum $a b g q$. Velut est $k f$, uel utcumq; ex $d c$ & $d h$ sumantur portiones æquales, & linea recta, cōnectantur, ut triangulus $l s o$ celes constituatur, eadem ratione demonstrabitur à z puncto, c in h reflecti. Quod autem à nullo præterea puncto reflectatur, planum est. Si enim ab alio etiam puncto reflectitur, reflectatur ab o . Ducantur $h o$ & $c o$ lineæ, & diuidat linea $o d m$, angulum $h o c$ per æqualia. Erit igitur $c z$ minor, quàm $c o$, & $h o$, quàm $h z$, quia remotior à centro, per $v i i i$. tertij elementorum. Per tertiam itaq; sexti elementorum, sicut se habet $c z$ ad $h z$, ita se habet, $c l$ ad $h l$. Similiter per eandem, erit ut $c o$ ad $h o$, ita $c m$ ad $h m$. Porro per $v i i i$. quinti elementorum erit maior ratio $h z$ ad $c z$, quàm $h o$ ad $c o$. Quare per $x i$. quinti elementorum maior quoq; erit ratio $h l$ ad $c l$, quàm $h m$ ad $m c$. Quod est cōtra $v i i i$. quinti elementorum. Est igitur impossibile ab o , uel à quocumq; alio, præter à z pūcto, fieri reflexionem rei uisâ in c . Quod demonstrandum erat.

Propositio XLV I

Possibile est, idem in speculo concauo duas habere imagines.

Ad hoc, ut res duas habeat imagines, duo requiruntur: primum est, ut à pluribus partibus speculi super oculū sit reflexio: alterum est, ut locus imaginis, sit alius & alius, secundum diuersitatem reflexionum, idq; in sensibili distantia. Et secundum huiusmodi diuersitatem situs rei ad speculum, potest res, duas imagines, tres uel quatuor, & non plures habere. Verbi gratia, Sine duæ diametri speculi se orthogonaliter secantes, $b d q$, $a d g$, ducatur

catur iterum tertia diameter $E D Z$, quæ diuidat angulum $B D G$ per æqualia, & à puncto E , termino diametri mediæ, ducantur duæ perpendiculares super primas diametros, scilicet $E C$, & $E H$. Erunt igitur duo trianguli $E C D$, & $E H D$, æquales. Quod si oculus ponatur in B , & uisibile in C , reflectetur forma in C , à puncto E , ad H , & erit locus imaginis E , quoniam $E H$ æquidistat $C D$. Amplius C reflecti potest à puncto Z , quoniam trianguli $C D Z$, & $H D Z$, sunt æquales. In hoc tamē situ, nō potest à pluribus partibus speculi fieri reflexio, sicut patet per præmissam, Locus autem imaginis est in F .



Propositio XLVII.

Possibile est, idem in speculo, concauo tres habere imagines.

Propositio XLVIII.

Possibile est in speculo concauo. unius rei quatuor imagines apparere.

Accipiantur enim duo puncta in diuersis diametris, quorum unum intra circulum, & aliud in ipsa circuli circumferentia uel extra sit, ac describatur circulus, qui hæc duo puncta cum centro speculi concludat. Quod si iste circulus, secuerit circulum speculi in uno loco, erit reflexio ab uno arcu tantum; si in duobus, poterit esse reflexio ab uno puncto arcus interiacentis diametros, aut à duobus, aut à tribus, & aliquando à quatuor. Verbi gratia, sit speculum, ut supra $A B G Q$, sitq; eius centrum D ; &

PERSPECTIVAE COMMUNIS

d: & sumantur duae diametri A G, Q B, sitq; tertia diameter E Z, quae angulum à primis contentū diuidit in aequalia. Deinde su-



matur punctus c, in diametro Q B, ut sit circumferentiae propinquior, q̃ punctus c in demonstratione de duabus imaginibus, & ex A G abscindat A H linea aequalis Q C. Dico igitur quod c reflectitur à puncto E, & à puncto Z, sicut patet ex prae habitis. Amplius, reflectitur etiam praeterea ab alijs duobus punctis. Si enim ex puncto c excitatur perpendicularis, haec necessario cum diametro Z E, concurret extra sphaeram speculi, ut in puncto o, & si describatur circulus per H D C, transi-

bit etiam necessario per o punctum. Et cum hic circulus minor secet maiorem in duobus punctis, quae sunt M L, ducantur lineae H M, D M, C M, & C L, C L, H L. Erit igitur angulus C L D, angulo D L H aequalis, per X X I. tertij elementorum. Quoniam cadunt in circumferentias aequales, in quartas scilicet circuli minoris. Igitur c poterit reflecti ab L. Item eadem ratione angulus D M H aequalis erit angulo D M C. Quare c quotq; ab M puncto reflecti potest. Punctus itaq; c quatuor imagines habebit.

Propositio XLIX.


In solis speculis cōcauis, res cōfuse & dubie apparere.

Quoniam in his solis speculis, res apparent in oculo, uel retro oculum. Visus autem, naturaliter non acquirit formas, nisi rerū facialiter obiectatum. Et ideo res quae aliter apparent, dubie & confuse necesse est apparere.

Propositio

In speculis concavis, res nunc conuersas, nunc euer-
sas apparere,

Hanc demonstrauit Euclides in libro de speculis. Radij pro-
cedentes à re uisa aliquando cōcurrunt, antequam ad speculum
perueniunt, aliquando non. Quando concurrunt, uidentur res
conuersæ, quando uero non concurrunt, uidentur, res euersæ &
oppositæ, scilicet sinistra dextris permutata, ut in speculis pla-
nis. Sit res uisa AB , & speculum concauū CD , radij à re uisa post
cōcursum in E inciden-
tes in speculum, sint B
 C , A D , qui reflectantur
in G . Ducatur cathe-
tus BH , donec concu-
rat cum radio reflexo,
 CG , & signetur pūctus
cōcurfus, cum nota K ,
similiter ab A procedat
cathetus, donec cōtin-
gat DG radiū reflexū
& signetur cum nota L
cōcurfus, ac connec-
tant per lineam rectā,
puncta K L . Est igitur



KL imago rei uisæ, & pūctū B , quod est sursum & eleuatū, uidet
in K deorsum, sic A , qd est deorsum, uidet in L sursum. Quod patet
ex illo principio, quæ sub eleuationibus radijs uideantur, eleua-
tiora apparent, uidetur itaq; AB linea conuersa. Porro sit res uis-
a MN , cuius radij non concurrunt ante incidentiam in speculū,
& sint radij ab ea procedētes MC , N C , qui reflectantur in G pun-
ctum. Deinde ducatur cathetus HM , donec ultra speculū con-
m currat

PERSPECTIVAE COMMVNIS

currunt cum $g c$, in puncto o , sic & $h n$ cathetus proijciatur in continuum directumq; donec cum $g d$ in p concurrat, ac $o p$, puncta per lineam rectam coniungantur. Erit igitur $o p$ imago rei uisæ, quæ euerfa & opposita, ut in planis speculis apparebit. Patet itaq; propositum. Qui uero copiosorem huius demonstrationē desiderat, sextum consulat perspectivæ Alhacen.

Propositio L I.

In speculis concavis, res aliquando pares, aliquando maiores, aliquando uero breuiores apparere.

Hoc copiosissime demonstratur in $v i$. perspectivæ. Sed tamen breuiter colligitur ex præmissa. Quoniam quæ apparent ante confluentiam radiorum, maiores quàm sint apparent; quæ uero post confluentiam radiorum apparent, secundum diuersitatem situs maiora, minora, uel æqualia apparere possunt, iuxta quod propinquiora uel remotiora sunt ab intersectione. Et ex hoc patet, quanto sunt à speculo remotiora, tanto apparent maiora.

Propositio L II.

In speculis concavis, ex diuersitate situum, quædam apparere recta, quædā curua, quædam conuexa,

Huius ueritas patet per $x x x i$, & sequētib; duabus huius, per oppositum eorum, quæ ibi dicuntur, & diffuse demonstratur libro sexto, capite septimo Alhacen. Euclides autem tantum apparentis curuitatis meminit.

Propositio L I I I.

In

In speculis columnaribus intra politis, eosdem errores accidere, qui & in sphæricis accidunt.

Et hæc luculenter demonstratur libro sexto, capite octauo. Nō opus est ut diu in eius demonstratione elaboremus, quia haud difficile est intellectu, quomodo errores qui in prædictis contingūt, his cōpetant, de numero imaginum, situ, rectitudine & curuitate apparitionum, &c.

Propositio LIII.

In pyramidalibus concatis, omnes errores accidere, qui accidunt in columnaribus concavis.

Hoc satis liquet ex prædictis, & libro sexto, capite nono, ab Alhacen est demonstratum.

Propositio LV.

In speculis concavis, ad Solē positis, ignem generari.

Quod speculū, si est portio sphære, in eius centro ignis generatur, concursu uidelicet radiorum reflexorū, cum radio incidente, quādo directe ad Solem cōuertitur, patet. In speculis autē concavis, factis per artem traditam in libro de speculis comburentibus, res se aliter habet. In illis enim speculis reflectūtur omnes radij extra locum incidentiæ, prope uel longe, prout speculum magis uel minus concavum fuerit. Omnes autem radij à tali speculo reflexi, concurrunt in unum punctum ad aerem disgregandum & inflammandum. Cum autem in speculo concavo sphærica figuræ, non fiat reflexio omnium radiorum ad unum punctum, sed ab aliquo circulo, debiliter à talibus ignis accenditur.

m 2

Pro-

X
Stellas quasdam ex reflexione radiorum solarium
ad ipsas apparenter scintillare,

Cum enim Stellæ sint corpora solida, æqualis superficiei, necesse est, ut habeant superficies speculares. Reflectunt ergo radios Solis. Sed quia corpora cælestia continue mouentur, ideo angulus incidentiæ continue variatur, quare & reflexionis. Talis autem sensibilis uariatio, facit quandam uibrationis apparentiam. Quanquã autem autor perspectiuæ aliter sentiat, tamen mihi non uidetur totam scintillationis causam, oculorum defectui ascribendum esse. Nec conatus quisquam, nec radiorum inuolutio, hoc per se efficere potest. Videmus enim superficies decuruatæ Soli oppositas, ex multa clara ac splendentia, forti luce superfusa, scintillare, quæ tamen summa facilitate oculo præsentantur. Item uisus tantum deficit in comprehensione quorundam planetarum, quantum in aliarum stellarum. Et Canicula & inter stellas fixas aliæ quædã clariores uidentur quàm aliæ, ubi nec uisus plus conatur, nec magis quàm in alijs reuerberatur. Etsi igitur defectus uisus aliquid ad scintillationem conferre potest, non tamen est eius causa sufficiens. Sed dicat forte aliquis. Si stellæ sunt specula, ergo intuendo stellas, debebat apparere Sol. Item sicut dictum est de stellis fixis, ita eadem ratione planetas oporteret scintillare. Quantum ad primum respondendum, si totum cælum esset speculum, tamen oculus in centro existens uideret se tantum, ut patet ex *X L*. huius. Quia igitur, anguli incidentiæ & reflexionis æquales sunt, radius à Sole cadens, reflectitur, uel in se, si perpendicularis est, uel in aliam partem cæli, si non est perpendicularis. Non igitur in terram. Ad secundum autem ita respondendum. Planetas non scintillare, quia prope sunt. Radius enim Solis, cadens super corpus stellæ fixæ, per reuerberationē

LIBER II.

uerberationē stellæ, facit magnum angulum incidentiæ, & per consequens reflexionis, ita quod propter elongationem radij à stella, uisus potest aduertere aliquo modo diuersitatem luminis Solaris & stellarum reflexi à stella. Contrà uero in corporibus planetarum, quia prope sunt, angulus, quem constituit radius incidentiæ & reflexionis cum superficie planetæ, minor est. Quapropter aspectus noster non distinguit inter lumen planetæ & Solis, ab eodem reflexum.

Finis Secundi Libri Perspecti-
uæ communis.

m 3

Tertius

PERSPECTIVÆ COMMVNIS
TERTIVS LIBER
PERSPECTIVÆ COMMVNIS.

Propositio I.

Solus perpendicularis porrigitur recte, alterius diaphaneitatis medio occurrente.

Ista propositio, quæ est prima huius tertij libri, patet ex declaratione X I I I. & duarum sequentium primi libri.

Propositio II.

Fractio radij, tantum in ipsa superficie medij secundi contingit.

Quoniam Lux in omni diaphano recte mouetur, quantum in se est : incuruatio igitur uel declinatio à rectitudine esse non potest, nisi in loco, ubi duo diaphana se contingunt. Quod si in eodem corpore, continue sit diuersificatio, secundum rarum & densum sensibilibiter diuersum, an in tali diaphano lux habeat decliuem incessum, satis prolixè disputatur. Ego tamen magis sum in ea sententia quod sit, quàm quod non sit. Tametsi autor perspectiuæ contrarium sentiat.

Propositio III.

Anguli fractionis diuersificantur, secundum diuersitatem declinationis, & differentiam diaphanitatis secundi medij.


Huius.

Huius causa patet ex prædictis, quoniam duæ sunt causæ fractionis, una à parte radij, debilitas scilicet ex declinatione: & alia à parte medij, diuersitas scilicet diaphanitatis. Quia igitur quanto maior est declinatio radij, tanto quoque maior eius debilitatio, sequitur ut etiam propterea maior sit fractio. Amplius ex parte medij. Quia quanto medium densius est, tanto magis resistit, sequitur, ut non fiat proportionalis transitus, nisi fiat maior fractio, quam in medio rariori. Et ideo quò densiora sunt media secunda, eo necesse est res apparere maiores uel minores, sicut infra docebitur.

Propositio III.

Locus imaginum, est in concursu perpendiculariũ à re uisa, imaginabilium duci in superficiem diaphani ipsam continentis, cū pyramide, sub qua res uidetur.


Sicut supra patuit, omnia quæ uidentur recte apparent, ac propter comprehensionem radij, per quam res oculo præsentatur, existimatur res esse in fine ipsius radij in continuum producti. Sicut ergo pro fundamento in speculis supponitur, rem apparere in concursu cum catheto, ita & in proposito fit. Verbi gratia, sit uisus A, uisibile B intra aquam, sitque BC radius, per quam species uisibilis uenit uersus oculũ, iste radius procederet in C, si medium esset eiusdem naturæ & diaphanitatis, sed nunc frangitur à perpendiculari FE, & cadit in A. Ducatur igitur radius AC, scilicet radius uisualis, in continuum & directum, donec contingat perpendicularem erigibilem à re uisa BHD, in L, erit igitur locus apparitionis in L, quæ secundum ueritatem est in B.



PERSPECTIVAE COMMVNIS

Propositio v.

Rem uisam per radios fractos, extra locum suum
neccesse est apparere.



Hoc patet ex prædictis. Si enim in concursu
perpendicularium & radiorum uisualium appa-
ret res uisa, & hic concursus est extra locum rei ui-
sæ. Necesse est ergo, rem alibi quàm ubi sit apparere.
In planis autem diaphanis, semper imago appare-
bit propinquior, quàm res secundum ueritatem
sit. In sphericis hoc, sicut infra patebit, aliter esse
potest. In planis autem uniuersaliter sic est, uerbi
gratia G Q apparebit in K L.

Propositio VI.

Res partim existens in aère, partim in aqua, fracta
apparet.

Si enim pars existens in aqua propinquior apparet, quàm
sit secundum ueritatem, & res extra aquam in loco suo apparet.
Ergo partes istæ, directe cõtinuatæ apparere non possunt. Ap-
parent itaq; cõtinuatæ indirecte. Quamobrè fracta æstimatur.


Propositio VII.

Possibile est aliquid uideri per radios fractos, quod
per directos ad oculum non pertingit.

Hoc

LIBER III.

Hoc experimento pater. Quoniam si ponatur aliquid in profundo uasis mediocris altitudinis, & in tantam distantiam a visu promoueat, ut amplius apparere desinat, deinde aqua infundatur, statim oculo manifestabitur. Qui enim radij, propter interpositionem opaci ad oculum pertingere non poterant, fracti possunt. Sit res uisibilis BG , oculus A , & sit BG in aqua. Planum est, quod non uidebitur sub radijs GA & BA , sed sub BC & GH radijs fractis ad A . Quamuis igitur impediuntur radij GA & BA , ut pertingant ad oculum, non tamen impediuntur fracti. In aere autem fieret uisio sub GA & BA , radijs. Illis igitur impeditis, in aere res per eos uideri non potest, adueniente uero fractione ex diuersitate medij poterit conspici.



Propositio VII.

Rei uisæ sub radijs fractis, impossibile est certificari quantitatem.

Culus ratio est, quia ad quantitatis certificationem, requiritur cognitio distantiae, & compræhensio anguli pyramidis, sub quo res uidetur. Sed utrumque horum deficit, cum radij oculum mouentes frangantur, & per consequens angulus diuersificetur. Ex quo sequitur, ut quantitas stellarum ueraciter non cognoscatur. Quia cælum est corpus subtilius quam aer uel ignis.

Propositio IX.

Res uisa, existens in diaphano densiori superficie hemisphæralis, potest apparere maior quam sit, & minor, & etiam æqualis conuexitate ad oculum conuersa.

n


Hæc

PERSPECTIVAE COMMUNIS




titur, ac res uisa intra oculum et centrum fuerit, imago maior, et propinquior apparebit re uisa. Sit A oculus, res uisa B C, intra oculum & F centrum diaphani conuexi G H. Si itaq; oculus cum

re uisa essent in medio eiusdem diaphaneitatis, uideretur res sub angulo B A C. Sed cum radius B G, & C H à perpendiculari F H N, occurrente subtiliori diaphano, franguntur à perpendiculari F G M, ad uisum in A, & imago puncti B uideatur in communi concursu perpendicularis F B D, ac radij A G ab oculo in directum continuuq; procedentis, notetur cōmunis intersectio nota K, similiter cōmunis sectio perpendicularis F C E, & radij A H nota L, pūcta K L iungat linea recta. Linea igit K L, referet imaginē lineae B C, quā & propiorem & maiorem esse apparet quam lineam B C. Et hæc est ratio, quare res uisa, in aqua, & propiores, & maiores apparent quam re ipsa sint. Aquæ enim superficies est sphaerica, tamen si nobis propter magnitudinem uideatur plana, ut demonstratur à philosopho.




Iosopho in libris de cælo, & hoc loco, p principio assumitur, Et huius conuexitatis centrum & totius globi terrestris centrum. Res scilicet quæ à nobis in aqua conspiciuntur, sunt intra centrū & oculum. Si uero centrum ponatur intra oculum, in subtiliori medio, & rem uisam in densiori, itidem apparebit res maior, sed remotior, ut uidere licet in secunda figura. Amplius sit oculus in diaphano densiori, & res uisa in subtiliori intra centrum & oculū, imago apparebit remotior & minor. Hoc patet ex tertia figura, in qua imago lineæ *bc*, est lineæ *kl*, longe minor quàm *bc*. Sed oculo in densiori diaphano, cetro existente inter rem uisam & oculum, uidebitur imago propinquior & minor, sicut quarta refert figura. Potest tamen quandoq; sphaera alterius dispositionis concursus dictarum perpendicularium esse cum re uisibili, in loco ipsius rei uisibilis, & tunc apparet res in ueritate situs & quantitatis suæ.



n 2 Propo

Propositio X.

Rem uisam, existentem in diaphano densiori, & sit oculus, & superficiem habentem planam, necesse est apparere maiorem quàm sit



Quoniam enim ipsa res uisa, propin-
quior apparet quàm sit, semperq; sub ma-
iori angulo oculo præsentatur, quàm si ui-
deretur per directos radios, manifestum est
rem quoq; maiorem apparere, quàm sit se-
cundum ueritatem. Maior namq; angulus
ad æqualem uel maiorem distantiam rela-
tus, rem maiorem esse iudicat, sicut ex
primo libro patet. Verbi gratia, sit res
uisa existens in aqua GQ, oculus uero A,
planum est, quod GQ uideretur in aere sub
angulo G A Q, uideretur etiam in loco suo,
sed propter aquam franguntur radij QC & GB in ingressu aeris,
& uidetur res sub angulo B A C, qui est maior illo qui contine-
tur sub G A Q. Item res non apparet in loco suo, sed in linea XL,
ut supra patuit propositione V. Idem comprobatur, quoniam
radiatorum cum catheto in huiusmodi diaphano semper est inter-
uisibile & uisum.


Propositio XI.

Concauitate diaphani densioris ad oculum uersa,
accidit conuerso illi, quod contingit conuersa ad oculum
conuexitate.

Quando

LIBER III.

Quando enim oculus est in subtiliori medio, & concavitas obuersa oculo, ac oculus intra cētrum & rem uisam, imago quādam propinqua uidebitur, sed minor. Idem fit, ceteris paribus, quando centrum inter oculum & rem uisam collocetur. Oculo uero existēte in densiore medio, cōcavitate tenuioris ad oculū conuersa, siue oculus sit inter rem uisam & centrum, seu centrū inter oculū & rem uisam, apparebit imago remotior & maior, quæ omnia insequentibus patent figuris.



Propositio XII.

Stellas ex refractione, necesse est, minores apparere quàm sint, & quæ si directe in tanta distantia apparerēt.

Hoc loco stellæ & mediæ secundum naturalem dispositionē, considerandæ sunt, exclusis uaporibus, & perpetua illa causa, quod minores circa uerticem quàm in horizonte apparent, de qua LXXXI. propositione primi huius dictum est. Neque etiā huc pertinet, quod in oppositum X. huius, uniuersaliter, res

PERSPECTIVAE COMMUNIS

quæ est in perspicuo plano, oculo existente in perspicuo densiori, apparet minor quàm sit. Hæc autem est huius demonstratio.



Cum enim locus imaginis sit in concursu perpendicularium procedentium à re uisa, & radiorum uisualium, cumq; iste concursus propinquior sit uisui quàm corpora stellarum. Erit igitur locus imaginis, in loco propinquiori cono dictæ pyramidis. Quare & stella minor apparebit. Sit stellæ quæ uidetur circumferentia AB, & ducantur inde perpendiculares in centrum mundi, quæ sint AC, & BC, sitq; uisus D, ad quem ducantur lineæ AD & BD. Certum est quod per istas stella non uidetur. Nulli enim radij sine refractione ad uisum perueniunt. Cum igitur radij sub quibus fit uisio, frangantur ad perpendicularem, ut concurrant ad uisum in D, non cadent ambo extra AD & BD, sed uel ambo intra, uel unus saltem extra, & alter intra.

Et sunt AE & BF, qui frangitur in punctis E & F, & cadunt in D. Si igitur queratur, ubi radij DE & DF, cum pyramide ACB concurrant? Planum est quod citra corpus stellæ, propter stellarum improporcionabilem stellarum à nobis distantiam. Ergo minores apparent, quàm si directe uiderentur.



Propositio XIII.

Stellas in horizonte propinquiores Aquilonij apparere, quàm Meridionali circulo propinquantibus.

Hoc probo sic. Ducatur linea inter ortum, cuiuscunque stellæ ad meridiem declinantis, & occasum eius. Ducatur & alia ei æquedistans per oculos inspectoris, utrinq; ad latera horzontis. Dico quod accessus stellæ ad meridiem, uel elongatio ab Aquilone, est secundum comprehensionem distantie harum duarum linearum

LIBER III.

linearum. Certum est autem, quod harum duarum linearum distantia in medio facilius apprehendi potest, quod est aspectus propinquius, & etiam ex latitudine terræ, quæ in meridie extenditur, quàm in extremis, quæ magis elongantur à visu. Et linea terminalis distantia harum duarum linearum utrobique sub acutiori angulo uidetur, quàm linea distantia in medio. Verbi gratia, sit prima linea A B, secunda C D, sitque visus E, & linea mediæ distantia F G, extremæ uero distantia H K. Planum est, quod longè maior est angulus F E G, quàm H E K. Autor autem Perspectivæ, hanc diuersitatem attribuit fractioni, quia cum stella est in puncto uerticali, uidetur sub radijs perpendicularibus, & non fractis. Cum autem est in horizonte, uidetur sub radijs fractis & reflexis, uel fractio causa est, ut magis uideantur appropinquare Aquiloni. Hæc ratio etsi bona est, tamē non uidetur accommodari posse omnibus stellis. Quia non solum stellæ quæ transeunt per punctum uerticale, sed etiam multæ altæ, quæ multum à uertice elongantur, sicut Sol & alia ultra uel citra tropicum hyemalem sic se habent, quod remotiores à polo apparent cum sunt in sublimi, & tamen certum est, quod sub radijs fractis utrobique uidentur. Item stellarum per uerticem transeuntium, unus solus radius perpendicularis, & non fractus intrat oculum aspicientis. Non igitur una ratio sine alia sufficit. Fractionem autem esse causam, ut stella Aquiloni appareat magis appropinquare, patet sic. Sit circulus magnus A B, in quo sit stella sitque circulus minor huic concentricus signans sphaeram ignis, & posito oculo in D, ducantur duæ linearum A D & B D. Planum est, quod sub his radijs



PERSPECTIVAE COMMUNIS

loni propinquius, aut infra. Si extra ut in c, frangatur igitur ad perpendiculararem c f, & cadat in d, si ponatur cadere infra a d; id est remotius ab Aquilone, impossibile est quod cadat in punctum d, quia frangitur ad perpendiculararem. Videbitur igitur punctum a in h, loco magis ad Aquilonem. Eadem ratione necesse est, ut punctus b uideatur eleuatus, & ita locus imaginis totius stellae est ad Aquilonem eleuatus, uideturq; eius imago altius supra horizontem g f, quam sit in ueritate. Quapropter oriente Sole uel Luna uel alia stella, anteq; sit perorta eius medietas, potest nobis apparere totaliter perorta. Imò stella existente sub horizonte, potest nobis apparere supra horizontem.

Propositio XIII.

Omne quod uidetur, directe uidetur & refracte, una tamen eius existente imagine.

In primo libro ostensum est, quemlibet punctum rei uisae, sigillare punctum sibi oppositum in glaciale, per radios super corneam perpendiculariter orientes. Sed quia quilibet punctus in omnem partem medij spargit lucem suam, necesse est, quod quilibet punctus rei uisibilis, totam occupet pupillam, & quilibet punctus, in quolibet puncto glacialis radiet. Sed quia ab uno puncto super oculum non potest egredi nisi unus radius perpendicularis, franguntur igitur oēs, praeter unum in ingressu corneae. Ipse autem punctus apparet in loco suo, ubi fractus radius concurrat cum perpendiculari. Et quamuis in quolibet puncto perpendicularis obrumbret fractum, radij tamen fracti ad hoc ualent, ut res, ex concursu utriusq; luminis, clarius uideatur.

Propositio XV.


Per fractionem, multa extra pyramidem radiosam uideri.

Pyramis radiosa, est aggregata ex radijs perpendiculariter super corneam orientibus, & foramen uueæ intransibibus, quod paruum est. Multa ergo ex latere uidentur imperfecte, quæ intra dictam pyramidem non continentur, sicut ad sensum patet. Et quæ sic uidentur, debiliter uidentur. Cum enim omnes in ingressu corneæ frangantur, tantum per radios fractos uidentur.

Propositio XVI.

Ex concursu radiorum fractorū, possibile est ignem generari.

Quod radij reflexi ignem generare possint, patet ex XVII. & penultima secundi huius. Contingit etiam idem in corporibus diaphanis rotundis, solaribus radijs expositis. Sed inter specula & diaphana hæc est differentia, quoniam in speculis generatur ignis inter speculum & Solem; in diaphanis autem, econuerso ipsum diaphanum interponitur. Verbi gratia, Sit cristallus rotunda, cuius diameter sit AZ , cadantq; à Sole in O radij OC, OS, OI, OP, OQ . Certum est quod solus OI cadit in centrum A , proceditq; non fractus usq; in H . Alij ergo franguntur ad perpendicularem, & cadunt à C in B , à S ad G , à P ad M , à Q ad N . Veniens ergo radius CB ad superficiem aeris concuam, non procedit directe in E , sed frangitur à perpendiculari BK usq; in H , & sic de alijs, quibus aggregatis, rarefacto aere, ultra terminos suæ speciei, ignis generatur.



PERSPECTIVAE COMMVNIS

Omnis radius directus, reflexus, uel fractus, tanto debilius est adurento, quanto minus figitur in obiecto.

Et hoc potest esse, uel ex motu obiecti, uel ex motu luminosi. Obiecti quidem, sicut propter uelocem motum fluminum, non sunt in eis tantæ exhalationes, quemadmodum in aquis marinis, propter quod & falsedine carent. Propter motum autem uelociorem luminosi, accedit quod sub æquinoctiali circulo temperatior est habitatio, quàm sub quouis alio parallelo. Habitantibus enim sub æquinoctiali, tantum Sol commoratur supra Horizontem, quantum infra. Dierumque calor ex æquo temperatur noctis frigiditate. Sed quibus Sol aliquot diebus uel mensibus est supra Horizontem propter perpetuam Solis præsentiam, frequentissimum calorem sentiunt. Inde est, quod etsi breuem in Lithuania propter sphaeræ obliquitatem æstatem habent, tamē eorum fruges copiose & cito crescunt & maturescunt. Contra hyemem propter Solis exiguam super eorum Horizontem moram habeant rigentiorē. Hac itaque de causa, quo magis dies æquantur suis noctibus, alicuius regionis, eo temperatior censenda. Quod tamen præcipue de ijs intelligendum est, qui radios Solis perpendiculariter non sentiunt.

Propositio XVIII.

In generatione Iridis, trium prædictorum generum concurrere radiationes.

De radijs rectis patet, quia Iris generatur ex opposito Solis. De reflexis certum est, quoniam stillæ sphaerulae, quædam sunt speculares, leuis superficiei, in modum aquæ radios reflectentes. De fractis insuper patet, quoniam lumen Solare intrat in profundum aquæ, quamuis reflectatur.

Propositio

LIBER III.

Propositio XIX.

Causam rotunditatis Iridis, principaliter consistere in nube.

Quando enim nubes regulariter suspensa est, terræ æquedistans, certum est, quod rotatio regulariter descendit, & hoc ad circularitatem sufficit. Aquæ enim nebulosæ suspensæ, & irregulariter, non habent in se impressionem regularem. Quidam autem ponunt causam ex parte radiorum, & dicunt, quod lumen radiosum intrat nubem roridam, & inde ultra nubem concurrat in puncto uno, sicut declaratur in xvi. huius. Post concursum autem ipsum lumen iterum dilatari in pyramidem, cuius medietas cadat in nubem, & faciat per consequens impressionem semicircularem, alia uero medietate cadente in terram. Sed ad hanc opinionem conuellendam, cadat radius Solaris per foramen rotundum, certum est, quod erit rotundus: opponatur ei lapis hexagonus, generans colores Iridis, certum est, quod generat Iridem, eamque non in figura radii, quæ est orbicularis, sed in figura lapidis, quæ est columnaris. Si ergo cõsimilis passio, cõsimilem habet causam, oportet, ut causa figuræ arcus Iridis, querenda sit in nube, & non in radio. Item hæc positio est contra sensum. Quia Iris generatur à Sole sine aliquo interposito, in nubem roridam radiante. Quod lumen radians in nubem uocat Philosophus radium mediæ rotunditatis. Lumen enim figuram accipit à medio in quo est. Alij ponunt rotunditatem in radio ex se ipso. Dicunt enim quod radij pyramidaliter egrediuntur à Sole, & medietas eius cadat in nubem, & faciet dictam figuram. Sed hoc nihil est, quoniam sic de toto lumine Solari, ergo quilibet punctus Solis, implet totum hemisphærium lumine suo. Si de particulari aliqua pyramide, igitur pyramides non sunt à se

dam habent conum in luminoso, & quædam in obiecto uel medio.

Proposito xx.

Diuerſitatem colorum Iridis, tam ex nubis, quàm luminis uariatione prouenire,

Nubis uariatio, ex hoc accidit, quod roratio descendit ad centrum & angulum. Est igitur per consequens inferius strictior, & superius latior. Certum enim est, quod omnia grauiâ descendunt ad angulum, & ita non potest esse pyramis rotunda, quæ habeat conum sursum, & latitudinem deorsum. Superius igitur est lata, & paulatim descendendo densior, tum propter pyramidis coangustationem ex descensu ad angulum prouenientem, tum propter hoc, quod grossiores partes citius descendunt, aptior est superius ad colores nobiliores, & luci cõformiores, & inferius minus. Potest etiã esse diuerſitas à parte luminis directe in nubem cadentis, & magis fracti in singulis partibus nubis. Sed & reflexio à stillis, sup alias stillas, quæ omnia in lumine magnam solent diuerſitatem efficere, ut in primo huius pertractatum est. Quod autem dicunt quidam, in eisdem nubis partibus, diuerſos generari colores, nec in omnibus illis apparere, sed in illis tantum, ad quos radij eos constituentes reflectuntur, mihi non sit uerissimile. Quoniam impressiones quæcuncq, non uidentur per radios à quibus generantur, sed per speciem propriam, extra locum reflexionis, sicut patet in radio tranſeunte per uitrum coloratum, usq, in corpus oppositum. Idem est uidere in coloribus, qui generantur in lapidibus hexagonis, & ex omni parte uidentur. Quæ autem falso dicuntur de Iride, ut plurimum refelli possunt, ab his, quæ in huiusmodi lapidibus conspiciuntur,

Propos.

Generationem Iridis cataclysmum excludere.

Excludit quidem per modum signi conuenienter dati, sed non est sufficiens significatio serenitatis. Non enim omnis resolutio, sed subtilis tantum parit Iridem. Colores enim nobiles in Iride concurrentes, quales pictor imitari non potest, densorum nubium obscuritas, & grossa resolutio, non admittunt. Iris igitur hac ratione significat resolutionis humidæ paucitatē, ideoq; oppositum cataclysmi. Amplius tanquam causā, reflexorum radiorum a nubibus concursus cum radijs directis, ad hoc non nihil facit. Non enim generatur Iris in nubibus, in omnino densis, oportet siquidem quod radij Solares libere transeant in nubes ex opposita parte cæli sitas, & cum radijs directe incidentibus concurrant, ex quorum concursu fiat uaporum attenuatio, ut pluuiæ materia consumatur. Hæc autem intelligenda sunt, cum Iris generatur secundum quantitatem semicircumferentiæ, aliquando enim fit secundam modicam quantitatem.

Lucem Solarem & sideralem, in perspicuo puro effigere galaxiam.

Quidam hoc loco Philosopho contradicere non erubescunt, & dicunt galaxiā non generari in ignis purissima regione. Quasi impressio fieri non possit in corpore transparente, cum tamē contra uideamus Solarē radiū in domo subobscura, per aerem transeuntem, quamuis in aere non sit sensibilis densitas, tamen uehemen-

PERSPECTIVAE COMMVNIS

riffima radiatio ipsius lucis, se abscondere non potest. Multiplicatio igitur radiorum stellarum concurrentium in suprema parte ignis, potest ibi ex eadem ratione, sensibilibiter apparere.

FINIS PERSPECTIVAE COMMVNIS.

Tab. I. q. 1. 15.